

玉

海

玉海卷第八十

浚儀王應麟伯厚甫

車服

鹵簿

有文事必有武備故整法物之駕嚴師兵之衛總名鹵簿唐人謂鹵櫓也甲楯之別名兵衛以甲楯居外爲前導皆著之簿故曰鹵簿

五禮精義曰鹵大盾也以大盾領一部之人故言鹵簿

漢甘泉鹵簿

漢宮鹵簿圖

鹵簿篇又

見屬車

漢志甘泉在雲陽黃帝接萬靈之明庭自古祭天圜

丘處本秦林光宮自文帝郊五畷三歲一郊車駕必

幸雍甘泉故有甘泉鹵簿輿服志乘輿大駕屬車

八十一乘備千乘萬騎西都行祠天郊甘泉備之官

有其注名曰甘泉鹵簿文選注胡廣漢官制度云云注蔡邕表志

曰國家舊章幽僻藏蔽莫之得見應劭漢官鹵簿圖

曰乘輿大駕則御鳳皇車以金根為副宋志宣和鹵簿記云應劭

漢鹵簿圖有騎執箠菰即笱通典西京雜記漢朝

輿駕祠甘泉汾陰備千乘萬騎太僕執轡大將軍陪

乘名為大駕車有司馬辟惡記道靖室象車武剛九

游雲罕皮軒闔戟鸞旗建華相風烏金根之名儀衛  
有騎隊鼓吹黃麾騎單罕節御馬華蓋剛鼓之制或  
分八校或分十六校式道有候護駕有官

**晉志**孝

武總文景之資揚霓拂翳皮軒記鼓橫汾河而祠后  
土登甘泉而祭昊天奉常獻儀謂之大駕車千乘而  
騎萬匹揚雄所謂彊天狼之威弧張曜日之靈旄者

也

**宋禮志**

甘泉鹵簿者道車五乘游車九乘

文選曲水

序注

在乘輿車前又有象車最在前試橋道晉江左

駕猶有之大駕漢都長安時祠天於甘泉用之都洛  
陽上原陵又用之後漢祠天郊用法駕祠宗廟用小

駕小駕減損副車也

南齊禮志車服之儀率遵漢制南郊大駕北郊明堂降為法駕

衮冕之服諸祠咸用

春秋正義異義古毛詩說天子之大夫皆駕四故詩云四牡如今乘輿有大駕中駕

小駕為行之等差也其諸侯大夫士唯駕二春秋正義服虔云纓如索帛今乘輿大駕有之然則漢魏以來大駕之馬膺有

索帛是纓之遺象

**隋志**卓彼上天宮室混成玄戈

居其左上將居其右弧矢揚威羽林置陳天垂象聖

人則之軒轅以師兵為營衛至三代其儀大備漢武

上甘泉則列鹵簿車千乘騎萬匹其居前殿則植戟

懸楯以戒不虞所由來尚矣

**文選**甘泉遺儀注胡

廣漢官制度曰天子出車駕次第謂之鹵簿長安時

出祠天於甘泉用之名曰甘泉鹵簿

**司馬遷傳**從

上上雍注如淳曰遷時從上在鹵簿中也 上林賦

鼓嚴簿注孟康曰簿鹵簿也 甘泉賦 迺命群僚歷

吉日協靈辰星陳而天行詔招搖與素陰兮伏鉤陳  
使當兵屬堪輿以壁壘兮梢夔魑扶衛狂八神奔而  
警蹕兮振殷轡而軍裝蚩尤之倫帶干將乘玉戚駢  
羅列布魚頡而鳥旰乘輿乃登夫鳳皇兮翳華芝駟  
蒼螭兮六素蚪夔畧糝綏灘虓慘纒帥爾陰閉雪然  
陽開騰清霄而軼浮景兮夫何旗旒邳偈之旖旎也  
流星旄而電燭兮咸翠蓋而鸞旗屯萬騎於中營兮  
方玉車之千乘聲駢隱以陸離兮輕先疾雷以馭遺

風集禮神之囿登頌祇之堂建光耀之長旃兮昭華

覆也華蓋之威威風從從而扶轉兮鸞鳳紛其御糒云

云楊雄從上祠甘泉還奏賦以風時趙昭儀在屬車

豹尾中故雄盛言車騎之衆參麗之駕非所以感動

天地逆釐二神

漢大駕見上

法駕

文紀奉天子法駕迎代邸注如淳曰法駕侍中驂乘

奉車郎御屬車三十六乘孝文語曰鸞旗在前屬車在後

谷永傳

朝覲法出而後駕陳兵清道而後行霍光傳昌邑

王駕法駕皮軒鸞旗叔孫通傳注應劭曰月旦出

高帝衣冠備法駕名日游衣冠

上林賦襲朝服乘

法駕建華旗鳴玉鸞

西都賦乘鸞與備法駕

西京賦大駕幸

手平樂帳甲乙而襲翠被

宮曰法宮坐曰法坐服曰法服

漢大駕鹵簿儀式

法駕

法物

後紀建武十三年四月大司馬吳漢自蜀還京師益州傳送公孫述瞽師郊廟樂器葆車輿輦於是法物始備注法物謂大駕鹵簿儀式也時草創未暇今得之始備

官志大僕卿掌車馬天子每出奏駕上鹵

簿用大駕則執馭侍中侍顧問應對法駕出則多識



者一人參乘

負傳因墮揅  
斬白蛇劍

餘皆騎在乘輿車後

未元九年

八月魯公拜侍中特使陪  
乘十五年賜駟馬從駕

五營注案大駕鹵簿五校

在前各有鼓吹一部

文選注應劭漢官儀曰大駕鹵簿五營校尉在前各日填衛

輿服志

見乘輿

諸侯王法駕官屬傳相以下皆備

鹵簿

鴻嘉中太傅奏梁王立願令非耕祠法駕母得  
出宮 鮑宣乘傳去法駕

禮儀志皇后親

車府令設鹵簿 莊子  
司馬彪注秋駕法駕也

儒林傳

明帝行三雍之禮

備法物之駕盛清道之儀注胡廣漢制度曰天子出

有大駕法駕小駕大駕公卿奉引大將軍驂乘大僕

御屬車八十一乘法駕公不在鹵簿唯河南尹執金吾

洛陽令奉引侍中驂乘奉車郎御屬車三十六乘小

駕太僕奉駕侍御史整車騎。

**楊秉傳**王者至尊出

入有常警蹕而行靜室而止非郊廟之事則變旗不

駕。

**齊志**

江淹議云後漢唯南郊備大駕自北郊以

下車駕十省其二。

**衛宏漢舊儀**

曰皇帝起居儀官

司馬內百官所傳按籍而後出入營衛周廬晝夜誰

何殿外門屬衛尉殿內郎舍屬光祿勳黃門鉤盾屬

少府輦動則左右帷幄者稱警車駕則衛宮填街騎

士塞路出殿則傳趨止人清道建五旗丞相九卿執

兵奉引先置索清宮而後往所以重威防未然也乘

輿冠高山冠飛羽之纓幘耳赤丹素裏帶七尺斬蛇

劔履虎尾絢履

漢東京鹵簿

續官志太僕天子每出奏駕上鹵簿輿服志輕車

洞朱輪輿大駕法駕出射聲校尉司馬吏士載以次屬車在鹵簿中郊天黃門從官四人冠巧士冠在鹵簿中以備宦者四星晉志象車漢鹵簿最在前

宋志每出警蹕清道建五旗大僕奉駕條上鹵簿儀

日出稱警蹕入稱蹕

隋禮儀志關猪車其飾如木輅重輞漫

輪蚪龍繞轂漢東京鹵簿所謂獵車者也

六典注

漢官儀鹵簿篇太常駕四馬主簿前車八乘

晉中朝大駕鹵簿 鹵簿圖

輿服志中朝大駕鹵簿先象車鼓吹一部次洛陽亭長赤車淮陽阜車黃門前部鼓吹司南九游武剛雲罕關戟及軒鸞旗建華車相風五時車高蓋左翼右罕華蓋桐鼓金根車建青旂十二曲華蓋黃鉞車五牛旗大輦五色立車安車建旗十二如車色關猪耕根車赤旗十二御輅四望衣書藥車豹尾車自豹尾後鹵簿盡矣次輕車二十乘流蘇馬六十四次金鉞金鉦車駕三中道黃門後部鼓吹次戟鼓車此車輿之制也靜室令中道式道候分左右次洛陽尉令亭長

河南掾尹簿記次司隸廷尉太常光祿衛尉太尉司  
徒司空或駕一或駕三或駕駟次中護軍步兵長水  
射聲翊軍越屯騎校尉驍騎游擊左右前後領軍將  
軍並鹵簿左右二行鼓吹一部次領護驍騎游軍校  
尉繖扇幢麾各一騎鼓吹一部七騎領護軍加大車  
斧終於金顏督將此百官之儀也兵器則有大戟楯  
九尺楯刀楯弓矢弩細楯由基細弩跡禽椎斧鑿臙  
斧又以神弩二十張夾道騎皆持稍終於騎十隊大  
戟九尺楯刀楯弓弩各一隊儀仗則有遮列騎御麾  
騎馬鞭方扇鞞角金鼓信幡幢麾之屬服飾則有朱

衣絳袍黑袴褶之屬 職官志武帝每出入將軍陳

騶持白獸幡在乘輿左右鹵簿陳列齊肅 宋志晉武帝問侍臣

旄頭何義 禮志元帝大興中詔左右衛及諸營依大習

儀作鴈羽仗 鄭默傳武帝出祠南郊詔使默驂乘

一 夏統傳賈充欲耀以文武鹵簿命建朱旗舉幡校

分羽騎爲隊軍伍肅然須臾鼓吹亂作胡葭長鳴車

乘紛錯 隋志晉鹵簿圖一卷鹵簿儀二卷齊鹵簿

儀陳鹵簿圖各一卷儀注類 唐志大駕鹵簿一卷

史記索隱按中朝鹵簿圖云雲罕駕駟 正義中朝鹵簿圖云九旂

車駕駟雲罕車駕駟 隋志唐六典注引中朝鹵簿 宋綬云

康熙二十六年刊 五

中朝江左嘗圖鹵簿

晉皇太子鹵簿

初學記張敞晉東宮舊事曰皇太子初拜有赤氍毹一石山安車一建九旗青色四馬皇太子鹵簿有黃麾大小會庭設三廂樂舞六佾

宋劉韞歷湘雍二州刺史令畫工圖鹵簿羽儀常自披翫王僧孺遇中丞鹵簿隋書曰晉氏鹵簿御

史輅車行中道北史故事刺史奉辭備鹵簿後同

南朝御史中丞建康令皆有鹵簿君臣之通稱今有張司空鹵簿圖

後魏三駕鹵簿

禮志太祖天興二年

正月乙丑

命禮官採古事制三

駕鹵簿

一曰大駕設五輅建太常屬車八十一乘千

乘萬騎魚麗鴈行前驅皮軒闌戟芝蓋雲罕指南後

殿豹尾鳴葭唱上下作鼓吹軍戎大祠則設之二曰

法駕屬車三十六乘小祠則設之三曰小駕屬車十

二乘天賜二年初改大駕魚麗鴈行更爲方陳鹵簿

列步騎內外爲四重列櫛建旌通門四達五色車旗

各處其方

孝文太和十三年正月辛亥祀圓丘初備

大駕

太和中詔李詒監造車輅一遵古式考舊典



以制冠服百寶六宮各有差次

唐鹵簿 大駕 法駕 小駕 鹵簿圖

鹵簿令 東宮鹵簿

儀衛志唐制天子居曰衙行曰駕人君舉動必以扇  
出入則撞鐘庭設樂宮道路有鹵簿鼓吹禮官百司  
備物而後動大駕鹵簿天子將出大樂令設宮縣之  
樂於庭侍中奏中嚴有司陳鹵簿諸衛以次陳殿庭  
既外辦大僕卿執轡天子乘輿以出天子升路太僕  
授轡黃門侍郎奏請發鑾駕動警蹕鼓傳音萬年令  
先導次京兆牧太常卿司徒御史大夫兵部尚書皆

乘路鹵簿如本品五路玉金象輦木皆有副車有指南記里鼓白鷺鸞旗辟惡皮軒耕根安車四望羊車黃鉞豹尾及屬車十二乘輿有相風行漏腰輿小輿五牛旗輿輦有大輦方輦小輦以旗計者二十七曰青龍白虎辟邪應龍玉馬三角獸黃龍負圖黃鹿飛麟馱馱鸞鳳飛黃麟角端赤熊兕太平犀牛駿驥駟駟牙蒼烏白狼龍馬金牛衙門旗并黃麾玄武幢絳麾孔雀旄罕畢

總三十二名一本云二十七名當考

以隊者七曰清

游朱雀步甲持鉞玄武諸衛馬隊大戟隊以兵計者自金吾果毅飲飛至衙門在左廂凡大駕一千八百

三十八人分爲二十四隊列爲二百十四行

參六伏

則有黃麾仗細仗儀刀仗及仗衛則有親勳翊衛散  
手衛儀物有曲直華蓋六寶香燈大繖雉尾障扇雉  
尾扇方雉尾扇花蓋小雉尾扇朱畫團扇俾倪之屬  
戎器有釵戟弓箭橫刀褰稍細稍鐵甲甲騎具裝銀  
裝儀刀班劍金裝長刀御刀黃鉞楯檣弩黑鍪甲之  
屬服飾有平巾幘緋襖襠大口袴緋衫紫黃纁朱綠  
纁綬紛武弁朱衣革帶繡衣青衫赤綦襖黃冒黃袍  
衫紫誕帶行膝緋袴褶戎服大袍之屬鼓吹有柎鼓  
金鉦大鼓長鳴鐃鼓歌簫笳大橫吹節鼓笛簫鳳篋

桃皮感築小鼓中鳴羽葆鼓大角之屬凡五部七十  
五曲警嚴則夜十二曲中三曲五更三遍樂有宮縣  
蕤賓鍾采茨大和回路南向侍中請降路乘輿乃入  
繖扇侍御警蹕如初皇帝入侍中版奏請解嚴叩鉦  
將士皆休法駕官則減太常司徒兵部尚書車則減

白鷺辟惡大輦五副路安車四望車及屬車四

六典云四

分屬車

之一隊則清游持鈸玄武皆減四之一鼓吹減三

之一小駕又減御史大夫及指南記里鼓鸞旗皮軒  
車象革木三路耕根羊黃鉞豹尾車屬車小輦小輿  
諸隊及鼓吹減大駕之半凡小駕鹵簿一千五百人

分二十四隊列一百二十行

參六典大駕鹵簿以官計者自導駕萬年縣令

六引至豹尾之後金吾折衝總一百六員以車計者  
自指南記里至黃鉞豹尾車總三十六乘以儀物計  
者自澤朱雀旗至黃麾仗繡幡總二十七名以鼓吹  
計者自搗鼓金鉦至笛簫感策總十五事以兵計者  
自金吾折衝果毅至受仗牙門左右箱總若十人此  
大駕鹵簿也至於法駕則屬車減四諸隊四分減一  
鼓吹三分減一威儀亦三分減一小駕車輦隊  
伏鼓吹各減大駕其中或與前小異當改

太皇

太后皇太后皇后出司仗布侍衛六尚以下詣室奉

迎內僕進車問外馭者執轡后乘輿以出華蓋侍衛

警蹕內命婦從出門后升車從官皆乘馬內命婦宮

人以次從有清游隊旗車有重翟腰輦厭翟翟車安

車四望金根及宮人車儀仗有偏扇圓扇方扇香燈

行障坐障雉尾扇大繖錦花蓋朱畫團扇錦曲蓋錦  
六柱絳麾黃麾牙門東宮鹵簿皇太子出鹵簿陳于  
重明門外升車鼓吹振作太傅乘車訓導少傅乘車  
訓從出延喜門家令先導次率更令詹事太保太傅  
太師皆輅車備鹵簿車有金路副路輅車四望車腰  
舉旗有龍旗五色絳引幡赤斝戎器有橫刀儀刀細  
刀班劍禦稍儀鍤油戟儀挺毘及弓箭儀物有誕馬  
繖雉尾扇朱漆團扇紫曲蓋隊有清游隊壓角隊佩  
弩隊左右廂步隊佩弓箭隊左右廂馬隊佩橫刀騎  
隊後拒隊司禦衛率府步隊東宮鹵簿六百二十四

人分爲九隊列爲三十一行六典若常行常朝無馬

隊鼓吹金路四望車又減隊仗三之一清道儀刀誕

馬皆減半乘輅車而已六典云左右衛率掌兵仗羽衛凡正至朝宮臣以儀仗爲

左右廂之周衛兵曹掌鹵簿之法監其羽儀清道率凡皇太子出入以清游隊爲先後拒隊爲殿監門率

皇太子出入率其鑾於牙門之左右太子僕掌車輿騎乘儀仗官志太子三師太子出則乘路備鹵簿

以從兵曹參軍事皇太子出則從鹵簿而泚其儀詹事府司直太子出則分察鹵簿之內通典皇太子

謁太廟所司依鹵簿陳設重明門外皇太子妃有偏團方扇行坐障翟

車六柱犢車繖大扇曲蓋親王鹵簿有幟弩車輻捧也

夾車而行絳引告止傳教信旛金塗鉤竿儀鋌儀鎧儀稍

網稍油戟繖扇曲蓋象路駕四馬一品鹵簿有幟弩

車輻誕馬儀刀戟旛徽扇曲蓋革路駕四馬自二品至四品青衣車輻每品減二人二品刀楯弓箭戟稍各減二十三品以下每品減十二品三品革路四品五品木路萬年令亦有清道憶弩騎青衣車輻誕馬輅車一馬內命婦外命婦一品至四品各有鹵簿云

云會要大和六年六月敕準鹵簿令外命婦一品厭翟車從車六乘二品三品白銅飾犢車一乘從車四乘四品白銅飾犢車一乘從車兩乘

百官志庫部掌戎器鹵簿儀

仗 藝文志

王象畫鹵簿圖

雜藝術類

禮志祀日

未明三刻諸衛列大駕仗衛侍中版奏請中嚴乘黃令進玉輅於行宮南門外南向未明一刻侍中版奏



外辨皇帝服衮冕乘輿以出

唐鹵簿鼓吹

志大駕鹵簿鼓吹分前後二部鼓吹令二人前部摑  
鼓十二夾金鉦十二大鼓長鳴皆百二十鏡鼓十二  
歌簫笳次之大橫吹百二十節鼓二笛簫威篥笳桃  
皮威篥次之摑鼓夾金鉦皆十二小鼓中鳴皆百二  
十羽葆鼓十二歌簫笳次之後部鼓吹羽葆鼓十二  
歌簫笳次之鏡鼓十二歌簫笳次之大橫吹百二十  
笛簫威篥笳桃皮威篥次之

餘見樂類

凡大駕嚴夜

警十二曲中警三曲五鼓嚴三通天子謁郊廟夜五

鼓過半奏四嚴車駕至橋復奏一嚴元和初禮儀使

高郢建議罷之

嚴樂官不能辨請停四嚴及上壇一

嚴其郊迴准禮三嚴太廟宿其夜不嚴

六典太常

鼓吹令掌鼓吹以備鹵簿之儀凡大駕行幸鹵簿分

前後二部以統之法駕三分減一小駕減半皇太后

皇后出如小駕之制皇太子鼓吹亦有前後二部親

王以下各有差凡大駕行幸有夜警晨嚴之制大駕

夜警十二曲中警七曲晨嚴三通

開寶繡衣鹵簿 建隆定大駕鹵簿 乾

德親閱鹵簿 大駕 法駕 鸞駕 黃

麾仗

開寶四年十一月戊午親饗太廟己未二十七日合祭天

地于圜丘始用繡衣鹵簿國初將舉郊祀命有司考

定制度建隆四年八月十六日辛丑南郊儀仗使劉

溫叟言按唐長興明宗南郊鹵簿字圖導駕用三引周

太祖用六引今請用六引又見郊祀類兵部儀仗五千一

百人太常鼓吹八百五十人太僕車輅四百八十人

殿中儀仗二百六人司天法物二十一人金吾衛二

百五十人金吾仗六百七十六人從之校以令文頗

有闕畧十八日禮儀使陶穀言鹵簿內金吾諸衛將

軍導駕押仗舊服紫衣請依開元禮各服繡袍舊執  
仗軍士衣五色畫衣請以五行相生爲次又增造五  
輅副車復殿中輦輿備用六引本品鹵簿又增置旗  
各作大輦凡馬步儀仗共一萬一千二百二十二人  
悉用禁軍舊用絹布采畫者以綜絲繩繡文代之月  
二十八日范質言大駕儀仗除執法物馬步兵計百  
八十五隊用騎軍大將軍六人郎將都尉九十人騎  
士四千四百四十六人步軍將軍二十人郎將都尉  
八十二人校尉四人王師二百九十八人並騎步六  
千二百七  
十二人乾德四年始作至開寶三年而畢明年郊

祀始用之謂之繡衣鹵簿軍衛羽儀自是浸盛志建隆四

年將郊祀大禮使范質與鹵簿使張昭儀仗使劉溫  
叟同詳定大駕鹵簿之制乾德三年蜀平命拾遺孫

逢吉收僞法物是歲太祖親閱鹵簿四年始令改畫  
衣爲繡衣一本云乾德四年五月九日帝親閱諸州  
法物舊用采繪  
者易以文繡  
凡五輅副輅輿輦屬車之屬多仍唐

制名數具于令式先後之次見于兵部字圖

凡鹵簿四等大駕法駕鸞駕祥符元年六月改小駕爲鸞駕黃麾仗

大駕鹵簿自開寶定通禮之後彌有增益大祀命

五使鹵簿使專掌定字圖排列儀仗使糾督之大禮

使及餘使同按閱致齋日巡仗凡車路大僕寺主之

輦輿繖扇御馬殿中省主之皂纛唐志作纛稍十六騎

引駕細仗牙門金吾主之槍仗六軍主之六引諸隊

大角五牛旗兵部主之寶按門下省掌之鍾漏司天

臺掌之鼓吹太常鼓吹局主之旗器名物衣冠寶蓋  
錦繡等飾朝服法物庫出焉箠弩弓矢戎裝雜仗軍  
器庫內弓箭庫出焉總大駕鹵簿二萬六十一人法  
駕三分減一鸞駕又減半兵部黃麾仗又減於鸞駕  
大駕凡郊祀籍田薦獻玉清景靈宮則用之法駕太  
山汾陰明堂則用之比於大駕則減太常卿司徒兵  
部尚書及白鷺崇德等車又減屬車四餘並三分減  
一鸞駕朝陵封祀朝謁太清宮奏告玉清宮則用之  
又減縣令州牧御史大夫指南記里鼓等車儀仗減  
法駕之半法駕用萬一千八十八人鸞駕用七千人

舊制用二千二百二十二人詳符五年閏十月丁卯  
享太廟增至七千人八年正月一日上聖號用三千

人三駕之外有兵部黃麾仗用太常鼓吹太僕金玉  
輅殿中省大輦奉迎其制無定然又減於鸞駕之制

凡親征御樓省方還京迎天書聖像六廟上冊則用

之淳化三年五月增二百五十人政和三年四月禮

局上大朝會儀衛五千二十五人黃麾仗用太常

鼓吹即太僕金玉輅殿中省大輦唐黃麾其制十二

幅開寶通禮義纂曰黃中央之色此仗最近車輅故

以應大駕六引開封令牧兵部尚書太常卿司徒

御史大夫法駕則開封令牧始於金吾纛稍清游隊  
朱雀旗隊十六騎攸飛前隊及仗龍旗十二指南等  
車引駕十二重前部馬隊步甲前隊太常前部鼓吹

司天相風行漏等輿持鈿前隊殿中黃麾前部黃麾  
仗六軍儀仗引駕十六旗龍墀十三旗御馬日月合  
璧等旗青龍白虎旗隊班劍儀刀隊金吾細仗受命  
寶殿中繖扇千牛親勳衛羽驍衛等隊夾轂俸日奉  
宸隊導駕官鳴鞭御馬繖扇腰輿玉輅大輦持鈿後  
隊金吾大角後部鼓吹黃麾芳亭等輿輦五牛旗輿  
金象革木輅副五輅耕根車進賢明遠車羊車屬車  
十二乘黃鉞豹尾後部黃麾仗步甲後部馬隊後隊  
及仗真武隊大黃龍負圖旗黃龍大神等二十旗  
大駕鹵簿凡繡文金吾衛以辟邪左右衛以瑞馬驍



衛以雕虎屯衛以赤豹武衛以瑞鷹領軍衛以白澤  
監門衛以師子千牛衛以犀牛六軍以孔雀樂工以  
鸞耕根車駕以鳳銜嘉禾進賢車以瑞麟明遠車以  
對鳳羊車以瑞羊指南車以孔雀記里鼓黃鉞車以  
對鸞白鸞車以翔鸞鸞旗車以瑞鸞崇德車以辟邪  
皮軒車以虎屬車以雲鶴豹尾車以立豹柏風烏輿  
士以烏五牛旗以五色牛餘皆以寶相花六引繡衣  
文清道以雲鶴幟弩以辟邪車輻以白澤駕土司徒  
以瑞馬牧以隼御史大夫以獬豸兵部尚書以虎太  
常卿以鳳縣令以雉餘悉以寶相花

輿服志

陶穀再

爲南郊禮儀使。法物制度多穀所定。時范質爲大禮使。以鹵簿清游隊有甲騎具裝。莫知制度。以問穀。如其說。造以給用。又乘輿大輦久亡。其制穀立意造之。至今用焉。傳周必大繡衣鹵簿記。藝祖皇帝受天

眷命。用肇造區夏武功。既成文治。斯廣躬郊。禋正會朝。祲威盛容。以次畢行。惟是承五季搶攘之後。鹵簿雖設。躡駁爲甚。以而新之。茲惟其時。於是制誥范質。張昭等正其繆。鑿參定典式。已而禮儀使陶穀奏言。金吾諸衛將軍暨押仗導駕等官服皆以紫。於禮未稱。請按開元禮。咸用繡袍。至若執仗之士。舊服五色。

畫衣先後靡倫無所准式請以黑爲先而青赤黃白  
以次分列用協五行相生之序逮有司以儀注上帝  
御便殿陳而閱之凡馬步儀仗總萬有一千二百二  
十有二人悉以綜絲施繡文代彩畫之服揚輝絢采  
丕矜舊弊疊疊三代兩漢之盛矣稽諸會要始造於  
乾德之四年而告備於開寶之三年越明年謁款圓  
丘實始用之想夫襍稍前驅五輅增副里以鼓記車  
以南指鷄翹豹尾天矯婀娜公卿執事前導後陪細  
伏大角壯其容幟蓋繖扇備其飾耄老幼稚族觀聚  
歎向也日熟乎兵革今乃窺文物旂常之美向也耳

厭乎金鼓、今也聞錫鸞和鈴之音、皇哉治世之鉅典、  
華夏之偉觀也、切讀三聖寶訓、而知藝祖恭儉之德、  
出於天資、衣用澣濯、器御質素、齊官無三服之獻、織  
室罷纂組之工、顧於羽衛、乃顯設藩飾、如此得無意  
乎、蓋恭儉者帝王之盛德也、備羽衛者國家之上儀  
也、在漢孝文殿設書囊之帷、身以敦朴爲先、及其詔  
令、則曰鸞旗在前、屬車在後、儀物明盛、猶可想於千  
載之下、然其聖人所以奉已與華國者、固自殊轍也、  
耶是以知藝祖之意有在也、列聖繼承、制作益詳、曰  
大駕曰法駕、曰鸞駕、曰黃麾、或施之躬郊、或用之

封祀或設之朝覲其多寡有差其先後可序揆厥所  
元皆自繡衣啓之貽謀垂裕永永無極肆皇帝陛下  
紹復祖宗之大業廼紹興十有三年築壇南郊共祀  
天地鹵簿之制實纂乾德至於歲用癸亥則視建隆  
初郊之歲若合符節夔觀簡冊未之攸聞蓋莫爲於  
前無以彰異時創業之功莫繼於後無以知中興之治  
是不可以不特書也

景德鹵簿記

二年十一月乙巳朔

是年郊祀

鹵簿使王欽若上三卷詔

付史館

欽若表六堂山京之鹵簿獲奉屬車之塵聞東觀之圖書幸觀羽陵之簡

先是九

月二日丁未詔欽若閔伏衛中司天監行漏十二神  
輿殿中省芳亭鳳輦等減製修飾以舊制太重也  
祥符二年八月甲子詳定所言法駕鹵簿三引內寶  
令河中尹別造車上題勝

天聖新修鹵簿記 景祐鹵簿圖記

景德二年郊祀王欽若上記三卷頗疏畧天聖六年  
十一月癸卯翰林學士宋綬上天聖鹵簿記十卷付  
祕閣初綬攝太僕卿侍玉輅上問儀物典故占對辯  
洽因命撰記 序云再飾大駕郊見上帝 景祐五年

卽寶元元年十一月乙巳禮儀使 資政殿大學士 宋綬上景祐南

郊鹵簿圖記十卷詔褒諭

蓋因前書而增飾之以親政初元冠篇質正古義傳

以新制圖繪注說

按据精詳圖記序曰黃帝創軒冕之容列營衛

之警輿駕儀物蓋本於此唐堯彤車有虞鸞和夏后之綏商人之路周官有司常巾車之職虎賁旅賁之從三五之際所由來尚矣秦并六國兼屬車九九之數漢上甘泉備千乘萬騎之衆自時厥後損益可知藝祖始議郊饗卽諏典文扞衛旣崇羽儀兼備初吏士所服皆用畫帛乃命易以厚繒加之文繡采粹相錯煥乎一時至道中詔翰林承旨宋白與內侍畫郊丘仗衛緘在祕府

本云圖飾仗衛真在中祕

景德中資政殿學

士欽若上鹵簿記三卷敕付太史皇上紹庭正統粵

再郊之明年命華光侍臣圖寫大簿臣充儀仗使督

攝容衛又以太僕奉車承顧問乃與侍讀馮元侍講

孫奭議曰前二圖書寫形紀事不相參會盍象設而

又文陳乎繇是著爲圖記十篇歲在戊寅燔祀有期

改重飾帝車爰及法物並加釐正云云

戊寅景祐五年十一月戊

中序景靈宮巳酉享太廟奉會要 景祐五年七

月十一日丙午詔鹵簿儀物未合典制者釐正之令

內侍張永和等領工修飾旣成八月庚辰帝親閱於

大慶殿門實錄八月庚辰御大慶殿九月侍講賈昌

萬曆癸未年每卷八十 臣佐 四百十二



朝言儀衛三事一曰南郊鹵簿車駕出宮詣郊廟日  
執毬杖迎至齋宮唐世以資玩樂宜徹去二曰大駕  
鹵簿有羊車前列本漢晉乘於後宮遂爲法從宜改  
革三曰鹵簿儀衛五使畧行按閱先後失序名物差  
互請於致齋前詳視詔禮儀使宋綬與太常禮院同  
詳定以奏綬等言羊車按劉熙釋名隋禮儀志漢代  
已有自唐至今著禮令宜仍舊其鹵簿儀仗南郊前  
五使須闕素隊使之齊肅從之又去誕馬鞍轡用纓  
轡緋紕幡麾以小篆易隸字六引朱團扇用雜花大  
駕用盤龍重定戟斂小戟重制雉尾扇爆稍艾叉

唐末以御史中丞爲儀仗使後唐始有鹵簿使兵部侍郎爲之國朝故事中丞領儀仗天聖二年用中丞薛奎領鹵簿而翰林學士晏殊領儀仗蓋誤也治平二年詔中丞賈黯易儀仗使翰林學士范鎮鹵簿使

皇祐明堂法駕鹵簿圖

**志**會要

皇祐二年三月己亥詔將享明堂乘輿服御

務裁簡六月己巳

四日

鹵簿使奏法駕減大駕三分

之一而兵部無字圖故本詔禮官與兵部考正爲圖以奏八月辛未上字圖法駕鹵簿用萬一千八十八

人

初乾德初有司定制唯得唐長興南郊鹵簿字九圖校以令文猶多闕焉至是禮官共議制圖

三  
月辛亥宗祀嘉祐二年祫享禮儀使奏南郊仗金吾  
上將軍左右千牛皆服紫繡戎服珂佩騎而前節度  
衣袴褶導駕如舊制是月禮官奏南郊還禮乘金輅  
而或乘大輦宜著令常以大輦從

熙寧七年八月十二日太常看詳兵部大駕鹵簿字  
圖請以副輅列正輅後減羊車五牛旗元豐元年二  
月詳定所言大駕輿輦仗衛儀物兼取歷代訛舛苟  
簡不足爲法詔令更定於是去二十八宿五星攝提  
旗所繪人形及龍虎僊童大神金黃鸚鵡網子嗟蛇  
神龜等旗及拂翟三年正月十二日詔以緡錢七萬

下成都造大駕鹵簿儀物

大駕仗下官一百四十六員執仗押引從車負職掌

諸軍諸司二萬二千二百二十一人法駕駕三分減一鸞駕減指南等車餘並減半

元祐七年十月丙子

二十七日

太常言鹵簿圖六引王公

已下紫纈改用青

興國六年五月詔殿中省細仗服

碧舊服黃

十一月南郊蘇軾爲鹵簿使導駕內中紅

車爭道亂行軾於車上草奏明日敕有司嚴整仗衛

自皇后以下皆不復迎謁中道

十三日奏

宣和重修鹵簿圖記

書目三十五卷初王欽若三卷宋綬十卷宣和別爲

一書益號詳備三十三卷目錄二卷

志三駕之制

詳見於政和禮局所上迄宣和而大備先是政和七年二月九日兵部尚書蔣猷言陛下稽古制禮大輅之乘元戎之旗六引之名與車導駕之官與服革而新之多矣宜命有司取天聖圖記考正詔改修宣和元年書成凡人物器服盡從古制飾以丹采三十有三卷目錄二卷 紹興三年十月靜江守臣許中上宣和重修鹵簿記

政和三年四月二十九日議禮局上皇太子鹵簿之制又上皇后皇太子妃王公一品二品三品鹵簿之制七年正月二十七日禮制局請墨車駕士衣阜夏

纓阜質繡五色團花

紹興大駕鹵簿 法駕鹵簿

十三年郊祀二月九日詔排設大駕鹵簿令禮兵部  
討論修政和新儀 十八日兵部言國初大駕儀仗總一萬

一千二百二十二人今已有黃麾半仗三千四百八  
十三人玉輅腰小輿大輦平逍遙輦下一千九人外  
其金象革木輅芳亭鳳輦屬車寶輿一千二百七十  
三人天武捧日奉宸隊六千四百五十七人仗內六  
引六引止鼓吹前後部一千五百人法物儀仗望下  
有司製造詔合用文繡並代以纈命兵郎錢時敏戎

監劉才邵等參訂兵部長貳提舉十月畢工十六年

至二十八年郊祀增捧日奉宸隊共一萬五千五十

人一本云紹興二十五年十一月癸亥郊祀增鹵簿  
爲萬五千二百二十有二人建靈芝瑞木等旗

三十一年明堂五月十三日有司陳 公駕鹵簿視郊

祀三分減一用一萬一千五人 隆 共二年二月詔

遵太祖典故省約儀仗減半用六千八百八十九人

鼓吹警場三分減一省四輅祀回止 來平輦乾道六

年九月一日詔郊祀用五輅大安輦如舊儀

開元開寶政和禮書親祠乘輅皆以大僕卿爲御千

牛將軍爲右蓋倣周禮大馭諸后等

今乃差執纓

官以綵繩維於箱柱又至尊不立而而設倚以坐不以千牛陪乘而差帶甲內侍二人立御坐之旁皆失禮

居則重門擊柝以戒不虞行則清道按節以養威嚴

動設先置止則交戟清道而後行清室而後御所

以重衛也 帝王之居外則飾周衛內則重禁門將

行則設兵而後出幄稱警而後踐墀張弧而後登輿

清道而後奉引遮列而後轉轂靜室而後息駕所以

顯至尊務戒謹垂法戒也 帝曠臨幄百司定列鳳



蓋俄軫虹旗委旆 旄頭先馳屬車齊躅奔星舞於  
旗旂行月旗於羽箠壽犀注鎧肅給乎師營蒼虬范  
馭秋游乎天轡瓊釵流景金根照塗 頽行山則銜  
枚無聲 五精來同七聖景從鑿聲佩節次于帷宮

夷道如底呼蹕填街梢夔獮以護野離荆羊以守  
燎 天兵威威羅列衛營有闌有旂龍輓離衡耳耳  
其驅雅雅于行旖旎運蜃風舞雲縈土若銜枚驂牡  
不鳴 服章天地車駕風雲日隨月侍嶽走川奔列  
缺收聲而聽蹕豐隆鼓力以扶輪 大丙弭節長庚

曳鬚 五老翼轅

弭策

矯翠鳳於黃屋綯交

龍於彩旗。日下奉圖。鮮虞守燎。揚六鑿。齊八駟。

堯步舜趨。禹馳湯驟。矩坤度規。軌則。月御按節。

星驅扶輪。撫翠鳳之駕。六先景之乘。奮雷鞭駢。

雷輜。羲和司日。顏倫奉輿。天清日晏。天華爽。

霽。赤旗絳庭。式道執旻。展軫效駕。徐鑿警節。明。

鍾暢音。七萃連鑣。九旂齊軌。重英曲璫之飾。絕景。

追風之騎。迴輿駐罕。岳鎮淵渟。天兵四羅。旗常。

婀娜。駕龍十二。魚魚雅雅。山靈護陳。方神蹕御。

武旅俠馳。玉柝金戚。千官扈從。珮鳴笏澤。舉星畢。

曳雲梢。召風伯。以清塵。命山靈。而護野。茸騎髦頭。

嘉靖丙辰年 監生趙祖綬刊

虹旂羽旆魚麗鶴列之陣。扈帶鮫函之旅。叙和植表箕  
張翼舒。屯萬旅以森沈。翼千祗而護衛。漸鴻之  
士陟恪以奉輿。戴鷗之夫疑嚴而戒道。碧輦駢龍

瓊干。跂鳳。駕鏤象。蔭華芝。謁欵靈場。陟降紫幄。

應龍受轡。招搖翼輶。曳星之鬢。歷天之旂。雷軸電

鞭。翠華歲。拭翠鳳之駕。開日月之旗。撞鴻鐘。發

雷輜。辨格澤之脩竿。決河漢之淋漓。赤松前驅。彭祖

後馳。方明夾轂。昌寓侍衣。山靈秉鉞。而踉蹌。海若護

蹕。而參差。風馭舟以縱。巘雲螭。縵而遲。蛇。五牛。翻

其析羽。六龍輝其鏤錫。望舒先驅。飛廉奔屬。千

乘萬騎魚魚雅雅禮神頌祇福祿來下 武騎仡以

清道被練煥以波燭浮埃沈而瑞氣翔 前清塵兮

天畢密扶路兮雲輜六駿駮兮沛艾萬虎賁兮鬣鬃

垣直太紫庭儼雲龍 扇交翟兮歲鞋旗升龍兮

夔畧 天子御玉輅動金根八驥揚銜雙龍翼蓋雲

罕徐迴鳴鏡韻響風承豹尾日映鶡冠萬騎天行千

乘雷動石鐙犀衣之士聯七萃而雲屯珠旗月羽之

兵亘五營而星列 撫元蚪載翠鳳鼉鼓按節鯨鐘

疏響千乘岳動萬騎林迴星陳而天行雷震而霧合

屏翳清曉飛廉警旦孫叔奉轡王良聳策 國容

象物而動朝章視令而肅 備萬乘整法駕 延喬

松於東序詔韓岐於西廂麾天閭使啓關 儒僚展

采禮官相儀垂鞋動音洪鍾竦節陽路整衛正途清

禁於是綉環佩端玉藻鳴鳳竚律騰駕流文間綵比

象之容昭明紀數之服徽焯天陣容藻神行翠蓋懷

陰羽華列照 金支宿垂鏞石潤響命五神以相列

闢九關以集靈警衛兵而開雲先雨祗以灑路 上

摩星以旃雲下藻野而縟川 命期門使按蹕 六

龍驤首以啓路八駿騰光而夾輶 灼楚焯練剛口

百官戒嚴乘輿乃出奮六經以攄容奔入神而警蹕

拖虹蜺之宛延植星槍而蒙密玉軻浮霞霜戈燁日  
然後招翠龍驟絳螭疏飛雲之法輅揭太一之靈旗  
升黃屋翳華芝山立玉色出乎南端之闈紫雲華  
蓋上玉斗帝車前彫雲麗琬蓋祥飈被綵旂

### 儀仗

#### 周禮物法

宋禮志按周禮辨載法物莫不詳究然無相風單網  
旄頭之屬此非古制明矣

周官大僕王出入自左馭前驅注如今道引  
隸僕

掌蹕宮中之事注謂止行者清道若今傲蹕

宋志警蹕戒也

蹕止行也

小司寇大賓客前王而辟注若今執金吾下至

令尉奉引

### 漢宮室出入儀

太平御覽漢名臣奏曰丞相薛宣奏漢興以來深考古義惟萬變之備於是制宮室出入之儀正輕重之冠故司馬殿省門闔至五六重周衛擊刁斗近臣侍側尚不得著鈎帶入房宋志天子坐漆床居朱屋按何休注公羊有朱屋以居漆床亦當是漢代舊儀而漢儀不載殿屋爲員淵方并兼植荷華

梁三駕二仗

隋志梁乘輿行則有大駕法駕小駕行幸則乘仗遊  
燕則禮仗三駕法天二仗法地其動祭天而兩地也  
大同五年正月丁巳賀琛奏南北二郊籍田御輦不  
復兵路以侍甲陪乘停大將軍及太僕

隋三仗

齊河清中定令宮衛之制後周警衛之制置左右  
伯掌侍衛之禁更直於內小宮伯貳之左右武伯  
掌內外衛之禁公兼六率之士皇帝臨軒則備三仗  
於庭高祖因齊宮衛微有變革左右武衛開府各領



三仗六行在大仗內行別六十人大駕則執黃麾仗  
古今注歷所以指麾乘輿以黃諸公以朱刺史二  
千石以纁

唐儀衛制

儀衛志

舊史不志儀衛

唐制天子居曰衙行曰駕皆有衛有

嚴衙朝會五仗內仗千牛仗挾門隊長捨隊黃麾仗

五仗受仗步甲隊辟邪旗隊清游隊朱雀隊玄武

隊駕大駕鹵簿法駕小駕羽葆華蓋旌旗罕畢車馬

之衆盛矣皆安徐而不譁其人君舉動必以扇出入

則撞鐘庭設樂宮道路有鹵簿鼓吹禮官百司必備

物而後動，所以爲慎重也。儀衛所以尊君而肅臣。  
官志：殿中侍御史九人，掌殿庭供奉之儀，正班列於  
閤門之外。

唐朝會五仗

衙內五衛

黃麾仗五旗

仗 諸衛儀仗

儀衛志：凡朝會之仗，三衛番上，分爲五仗。號衙內五  
衛：一曰供奉仗，以左右衛爲之；二曰親仗，以勳衛爲  
之；三曰勳仗，以勳衛爲之；四曰翊仗，以翊衛爲之；皆  
服鶡冠、緋衫、袂。五曰散手仗，以親勳翊衛爲之。服緋  
絕襴，當繡野馬，皆帶刀捉仗，列坐東西廊下。每月以

四十六人立內廊閣外號曰內仗以左右金吾將軍當上中郎將一人押之有押官知隊仗官朝堂置左右引駕三衛六十人分五番引駕伏飛六十六人分六番元日冬至大朝會宴見蕃國王則供奉仗散手伏立於殿上黃麾仗樂縣五路五副路屬車輿輦織二翰一陳于庭扇一百五十有六三衛三百人執之陳于兩廂黃麾仗左右廂各十二部十二行一長戟六色斨二儀鐙五色幡三大稍小孔雀斨四小戟刀楯五短戟五色鸚鵡毛斨六細射弓箭七小稍鸚鵡毛斨八金花朱滕絡楯刀九戎雞毛斨十細射弓箭

十一大鍔白氍十二金花綠滕絡楯刀皆有五色雲

花襖冒

每行一色

及行滕鞋鞞黃麾仗首尾廂各絳引旛

二十引前十掩後十廂各獨揭鼓十二重重二人

首

二部師子袍次一部豹文袍次當御廂後廂後左右

廂每黃麾仗一部鼓一諸衛大將軍各一人檢校被

繡袍次左右衛黃旗仗立于兩階之次左右驍衛赤

旗仗坐于東西廊下左右武衛白旗仗居驍騎之次

左右威衛黑旗仗立于階下左右領軍衛青旗仗居

威衛之次鑿甲弓箭刀楯稍積各隨其五旗之色又

有夾轂隊廂各六隊隊三十人親勳翊衛仗廂各三

隊隊四十人武衛內有持銀隊執銀裝長刀絳引幡  
一金節十二分左右罕舉朱雀幢青龍白虎幢隊各  
一百四十四人分左右二行又有戈仗步甲隊戈仗  
左右廂千人廂別二百五十人執戈二百五十人執  
戈步甲隊從左右廂各四十八前後皆二十四次左  
右金吾衛辟邪旗隊又有清游隊朱雀隊玄武隊清  
游建白澤旗朱雀玄武各建其旗諸衛挾門隊長槍  
隊與諸隊相間明日殿上設黼屨躡席熏鑪香案百  
官唱門籍入畢序班于通乾觀象門南次入宣政門  
宰臣兩省官對班于香案前百官班于殿庭扇合皇

帝升御坐、內謁者承旨喚伏、左右羽林軍勸以木契、自東西閣而入、朝罷、皇帝步入東序門、然後放仗、內外仗隊七刻乃下、宴蕃客日、隊下復立半仗于兩廊、朔望受朝及蕃客辭見、加纛稍隊儀仗減半、凡千牛仗立則全仗立、

**禮志**

皇帝親征、纂嚴諸衛列黃麾

仗、循狩、建牙旗於壇外、黃麾大仗屯門、鈹戟陳壇中、

冊太子、列黃麾大仗、

通典冊三師三公親王設半黃麾半仗冊公主鈹戟近代入味於

殿庭

**百官志**

庫部郎中掌戎器鹵簿儀仗京衛

蹲獸行幸則給飛走旗、凡諸衛儀仗以御史涖其、  
衛尉寺凡供宮衛者歲再閱、左右衛將軍凡皇帝

正殿守諸門及內廂宿衛仗非上日亦將軍一人押  
仗缺以中郎將代

**六典**凡大朝會左右衛率屬以黃質鍪甲鎧黃弓箭  
刀楯積黃氅麟熊角端旗爲左右廂之儀仗凡宿衛  
內廊閣門外分爲五仗坐於東西廊下御坐正殿則  
立兩階之次正門內則以挾門隊坐東西廂承天嘉  
德二門之內驍衛建黃氅鳳飛黃吉利兕太平旗正  
殿前則以胡祿隊坐東西廊下正門外以挾門隊列  
東西廂武衛被白質鍪甲鎧執白弓箭楯積建氅四  
色氅五牛飛麟馱騶鸞犀牛駿驄旗持鈹隊應蹕

左右廂之儀仗威衛被黑質螯鎧執黑弓箭刀積建  
青氅黑氅黃龍負圖黃鹿騶牙蒼烏旗領軍衛被青  
質螯鎧執青弓箭刀楯建赤氅應龍玉馬三角獸白  
狼龍馬金牛旗爲左右廂之儀仗羽林軍率儀仗周  
衛階陛督攝左右廂飛騎大駕行幸夾馳道爲內仗  
金吾衛車駕出入率屬以清游隊建白澤朱雀旗以  
先驅又以玄武隊建玄武旗以後殿

衛左右廂旗圖樣十五卷

會要天寶九載七月五

日諸衛隊仗所用緋色旗幡等並改爲赤黃以符土  
運其節度使准此



唐千牛仗 立門仗

志千牛仗以千牛備身爲之皆執御刀弓箭升殿列御坐左右內外諸門以排道人帶刀捉仗而立號曰立門仗宣政左右門仗內分三番而立號曰交番仗諸衛有挾門隊長槍隊承天門內則左右衛挾門隊列東西廊下門外則左右驍衛挾門隊長樂永安門內則威衛挾門隊門外則領軍衛挾門隊嘉德門內則左右武衛挾門隊並列東西廊下車馬出皇城則挾門隊皆從長槍隊有漆槍木槍白幹槍撲頭槍

六典

百官志同

千牛衛曹曹掌甲仗之事凡御仗之物二

百一十有九羽儀之物三百自千牛已下各分而典掌之

唐百官儀物

百官志少府監供天子器御后妃服飾及郊廟圭玉百官儀物凡武庫袍襦皆識其輕重乃藏之冬至元日以給衛士衛尉寺祭祀朝會供羽儀節鉞金鼓帷帘茵蓆

乾德儀仗名物

元年十一月癸亥饗太廟乘玉路左諫議崔頌攝太僕上問儀仗名物甚悉頌應對詳敏上大悅甲子行

郊禮改元

**志**玉輅

金輅

象輅

革輅

木輅

副輅

玉輅之副

耕根車進賢明遠羊車指南記里鼓白鷺鸞旗崇

德皮軒黃鉞豹尾車

屬車十二

大輦

芳亭輦

鳳輦

小輿

腰輿

香蹬唐制朱漆案緋繡花

龍衣上設金塗香爐燭臺

象鹵簿以居先一人跨

其上四人引

五卞旗依五方色小輿上刻木牛背

插旗錯采為牛

相風烏鉦鼓畫鼓鍾鼓樓行漏十

二神輿

旗錯采漆竿鏡首

纛本後魏制旄頭之

象無文采

爆稍如節有袋上加碧油常置朝堂出

則八枚前導

一擊聲也  
一云象牛

牙門旗錯采爲神象

繖

古張帛避雨制有方繖大繖皆赤質

蓋有花蓋導

蓋赤質如繖而圓繡花龍曲蓋繡瑞草

睥睨漢乘

輿用之如花蓋而小

扇有朱團雉尾四等本漢長

柄扇 金節隋制

罕單象畢昂爲前引

幢如節而

五層繡四神各隨其方色朱漆柄

絳麾如幢三層

黃麾絳帛爲之如幡

幡本織也有告止傳教信

幡絳帛錯采爲字又有絳引幡

御刀晉宋有之

儀刀有銀飾

班劍本漢朝服帶劍晉以木代之

戟木爲刃赤質

斨戟

稍長牙也木刃又有細稍

儀鍤鉞屬秦漢有之唐用爲儀仗 爰無刃而短

鞞緝鳥毛今爲四角小蓋繡雲龍孔雀白鷺 龍

頭竿制如戟 攄弩加箭二有鞞 弓箭有鞞 刀

盾 甲騎具裝 車輻朱漆八稜 白幹槍稍也

柯舒黑漆棒也 鐙杖黑漆弩柄也 誕馬散馬也

涼車赤質 逍遙平頭輦 駕頭七寶牀也

繡扇 緋羅繡曲蓋並內臣馬上執之謂之扇篋

鳴鞭唐有之周條狼氏之遺法也 景德二年二月癸

卯王欽若上言伏詳六典乘黃令掌王公已下車輅

又六典大駕鼓吹朱漆五采畫金錫羽葆重蓋幡掌

畫交龍皇太子已下朱漆而不畫無金鐳羽葆重蓋  
幡掌畫蹲豹四品乃用綠又元日王公及四品以上  
給鹵簿赴朝會則乘輿儀仗不與臣下參用宜依六  
典令式別制王公已下車駕所有鼓吹儀仗亦請增  
置從之

至道車輅儀衛圖

志至道中令有司以絹畫爲圖凡三幅中車輅六引  
及導駕官外兩幅儀衛其警場青城又別爲圖圖成  
以藏秘閣凡伏內自行事官排列職掌并捧日奉宸  
散手天武外步騎一萬九千一百九十八人此極盛

也。二年正月辛亥合祭國立。  
當參攷郊祀類南郊圖。

祥符宮中道從圖

志宮中道從之制。唐以前無聞。漢乾祐中始置主  
輦十六人。掌扇四人。服文綾袍銀葉幘頭。云云太平  
興國初增主輦二十四人。改服高脚幘頭輦頭一人。  
衣紫繡袍。持金塗銀杖以督領之。捧真珠七寶翠毛  
華木金寶山龍腦合執拂翟共十人。舊衣綾袍紫衣  
者易以銷金繡增司簿內省司儀司給各一人。分左  
右前導凡十七行。每冬正御殿祀郊廟。輦出入至  
長壽殿即用之。乘輦憑几。唐制也。真宗又加四面內

官周衛祥符三年九月十一日丙戌內出繪圖以示  
宰相 會要召輔臣于龍圖閣觀繪宮中迎奉天書  
出入及行大禮畢入宮之儀三圖上指所乘輿謂王  
旦等曰此應出唐制前代輿輦制度未嘗有此又曰  
有散員周衛四面朕所加也非此則班綴不整矣 七  
月二十九日王欽若言王公車輅云云禮院言按鹵  
簿今王公已下象輅革木輅輅車

祥符天書儀仗

三年八月二十一日丁卯定爲一千六百人六年十  
二月己巳日十二趙安仁林特上天書車輅鼓吹儀仗



帝御崇政殿召宗室輔臣觀圖

康定乘輿出入儀

康定元年九月七日己未參知政事宋庠上言車駕

行幸自非郊廟大禮具陳鹵簿外其常日導從唯前有駕頭後擁扇繖而已其侍從百司官屬下至廝役皆雜行道中步輦之後但以親事官百許人執搗以殿謂之禁衛諸班勁騎頗與乘輿相遠而士庶觀者率隨扈從之人夾道馳走喧呼不禁非所謂旄頭先驅清道後行之謹且自黃帝以師兵爲營衛漢魏有大駕小駕之儀至唐又分殿中諸衛黃麾等仗國朝

承五姓荒殘之弊事從簡畧儀衛寡薄頗同藩鎮欲望專委一二博學近臣檢討前代儀注及鹵簿令以乘輿常時出入之儀比之三駕諸仗斟酌儀物增嚴條禁上以示尊極下以防未然詔太常禮院與兩制詳定遂合奏諸班直禁兵步騎以爲禁防仍舊數復增清道馬百騎而執罕畢者一騎執牙門旗前後各四騎而執緋繡鳳斃二十四雉扇十有二皆分左右並騎增一百六十二人天武兵執柯舒爲一重親從官三百人爲一重殿前指揮使二百人爲一重左右相對開二門以擬周禮之人門臣寮起居並令中道

候起居於左右門出其諸色人止令牙門旗前道傍

起居不得便入禁衛中

志乘輿常出入儀合奏班直禁兵步騎為禁衛增清道馬

百佩弓矢為五重騎而執罕畢者一執牙門旗前後四執緋繡鳳警二十四雉扇十二皆分左右天武兵徒行者執柯舒親從兵增為三百殿前指揮使增為二百並騎左右開二門門間容二丈以擬周禮人門凡前牙門旗後牙門旗前為禁衛禁乘高下瞰垂簾外蔽夾道喧呼馳走者頗著于令會要云或言新制嚴密因著于令其後浸弛云嘉祐六年中丞韓絳不果行

奏請嚴儀衛

先是幸睦親宅內待墮馬駕頭壞

事下閣門禮院議七

月十二日壬辰請以閣門祇候內侍各二員挾駕頭

左右次扇笈又以皇城親從兵二十人從其後

為頭乃

卽位御坐三朝志七寶牀一覆以緋羅繡帕內臣馬上捧之謂之駕頭

元豐更造仗衛

元豐六年正月丁丑朔御大慶殿受朝先是上以朝會儀物敝當改爲詔閣門御史臺詳定朝會儀更造仗衛輿輅冠服至是始陳于殿 政和三年四月議

禮局上大慶殿大朝會儀衛黃麾大仗五千二十五

人 文德殿受朝半仗發冊細仗 建炎二年十一月

初郊用細仗二千人取東京儀仗法物用之 八月二十八

日取東京祭器大樂朝祭服儀仗法物赴揚州十一月壬寅冬至用細仗二千人詣園壇行禮 建炎元年十一月丁亥朔以揚州路滑始聽百官乘轎

紹興二十七年四月己未

玉牒所進呈僊源類譜用黃麾細仗前導

慶曆五年八月乙亥太常禮院言升祔二后請如慶曆四年改上諸后尊諡用兵部黃麾仗一千二百五十人又設大慶殿細仗三百九十人太常鼓吹儀仗四百九十四人殿中省細仗十二人及設太尉本品儀仗四百八十三人從之

紹興儀仗車輅制度

黃麾仗圖

十二年七月己酉十八日命有司製太常行儀仗自南巡儀物草創時皇太后且至上將躬迎于郊乃命工部尚書莫將戶部尚書張澄同內侍邵諤製造將等言文德殿視朝大慶殿册命用黃麾仗二千三百六

十五人陳腰輿小輿於東西朵殿今降到圖冊又有  
紫宸殿黃麾角仗排設儀仗法物等用一千一百十  
五人又孫授所進圖冊用二千二百四十五人并御  
輦院左右金吾仗等三百一十八人詔太常寺詳定  
製造儀仗車輅等制度請先造玉輅及黃麾仗二千  
二百六十五人從之八月辛巳上奉迎皇太后于臨  
平鎮用黃麾半仗二千四百八十三人壬午太后還  
慈寧宮九月戊申新玉輅成上觀于射殿十三年閏  
四月甲辰冊皇后設黃麾半仗千四百九十九人十  
五年正月丁未朔初行大朝會禮于大慶殿用黃麾

仗三千三百五十人祝東都舊儀損三之一輦出房  
不鳴鞭以殿狹也自建炎以來正至不受朝至是始  
講 乾道元年十月十八日皇太子受冊畢稱謝紫  
宸殿望參官赴起居依儀制設仗兵部言紹興十三  
年六月六日紫宸殿望參設黃麾角仗一千五十六  
人從之 淳熙元年正旦稱賀依紹興十三年文德  
殿視朝之制用黃麾半仗二千四百十五人殿門外  
設大旗三十四十一月九日詔冬至朝賀用黃麾角  
仗一千五十六人 寶慶三年郊祀鹵簿儀仗用六  
千四百九十六人 淳祐十一年明堂用四千一百

四十八人

黃麾半仗二千四百十五人正旦朝賀上尊號冊寶  
親享用之半仗一千四百九十九人皇太子皇后受  
冊寶用之角仗一千五十六人冬至朝賀紫宸殿望  
參金國使賀正旦生辰進受玉寶皇帝御正殿皇太  
子稱謝起居用之細仗五百人迎奉冊寶玉牒用之  
細仗二百人奉安進書用之細仗一百人獨進玉牒  
經武要畧用之大駕鼓吹八百八十四人法駕鼓吹  
五百八十八人耕藉鹵簿政和新儀用六百八十八  
人紹興十六年止用其半



紹興車駕行幸圖

紹興三十一年四月二十三日洪邁言天子之出清道警蹕旒頭前驅豹尾後殿其往來馳道與闌出入者皆有厲禁自六飛時徭務爲簡便四孟朝獻前爲賀頭後止曲蓋爪牙拱扈之士步趨離立無復行列觀者接袂不聞誰何願詔有司止車駕行幸從駕禁旅以若干人爲一列相去各若干步其乘馬前導者豫上其數有司繪爲圖先一日以聞有不如令及不在圖而冒至者糾之令御史覈察詔可

散句見鹵簿

行幸

易曰風行地上觀先王以省方觀民設教詩時邁序曰巡守告祭柴望般詩曰巡守以祀四嶽河海古之王者以歲時循狩方嶽其次則二伯述職不然則行人循省擇人誦志漢書文紀上幸甘泉注引蔡邕云天子車駕所至民臣以爲僥倖故曰幸見令長三老官屬親臨軒作樂賜以酒食帛葛越巾佩帶之屬民爵有級數或賜田租之半故因謂之幸也

漢末平省方

東都賦至于未平云云乃動大輅遵皇衢省方巡狩窮覽萬國之有無考聲教之所被散皇明以燭幽

紀永平二年十月甲子西巡幸長安祠高廟遂有事十一陵歷覽館邑會郡縣吏勞賜作樂進幸河東所

至賜二千石以下十年閏月甲午南巡幸南陽祠章陵舊宅召教官弟子作雅樂還幸南頓勞饗三老官

屬十三年四月辛巳幸滎陽巡行河渠渡河登太行進幸上黨十五年二月庚子東巡幸偃師進幸彭城

耕下邳幸魯又幸孔子宅祠仲尼七十二弟子親御講堂命太子諸王說經又幸東平大梁

漢四巡頌

崔駰傳

元和中肅宗巡狩方岳駰上南北東西四巡頌頌曰建初七年初四巡十月癸丑幸咸京日當辰謁高廟遂有事于十一陵岐鼎既得獲白鹿元和首歲復南巡中秋丁酉季辛丑親屈鸞車幸章陵舊宅園陵設祠祭徧見宗室與故人江陵進幸祠南岳還幸宛兮歸洛闔次年車駕脩柴告時用二月日丙辰耕于定陶祀堯帝明堂祀畢會群神耕懷祠岳在三祀丙申之辰當孟春章和八月後癸酉祠沛原廟還汝陰南巡至此凡再舉太學作頌惟崔駰

班固

有東巡南巡頌

見御覽

孝安延光三年東巡馬融

作頌

見御覽

### 唐幸孔子宅

**紀**乾封元年正月辛卯幸曲阜祠孔子贈太師開元十三年十一月丙申幸孔子宅遣使以太牢祭其墓

太祖創業之始甫及二年三十三日兩幸儒學五十二日三幸飛龍院一歲之內四幸造船務其後主勢日尊儀衛日盛六飛順動輒爲曠典

天策夜而動星，鉤陳朝而按軌。歲習其祥，祥習則

符。雲披日霽，緹帷宿置。帟幕宵垂，既而滅宿澄

霞，登光辨色。式道執爻，展軫效駕。七萃連鑣，九旂齊

軌。重英曲璫之飾，絕景追風之騎。虎視龍超，雷駭

電逝。乃迴輿駐罕，岳鎮淵淳。虞風載帝，狩夏諺頌。

玉游。天行蕭輦路，日馭翼華輶。辰旂星罕，雕

輦翠旃。珠旗玉軼，鸞旗雲動。寶軼天行，山祗

蹕路。水若警流，天行於健。雷奮而豫，蒐漢儀以按

歷。法夏游而布度，吾道如砥。吾轡如綵，固可使大

路所歷，黎元不知。詔翠華而徐動，按清道而來歸。

帝暉順動 貌貅六師 雷霆萬乘 初海沸而雲湧  
忽山峙而川靜 天子粹然 王温健然 天運 雲流日  
行 海運天聲 弛威弧戟 天戈 垂鴻襲裕 樂華  
禮葉 文物葳蕤 聲明葱蒨 天旋雲遊 掣翠旄  
於華盖之角 擘黃屋於鉤陳之星

玉海卷第八十

玉海卷第八十一

浚儀王應麟伯厚甫

車服

冕服

上古衣毛而冒皮後世聖人易以絲麻染帛以作五采成以爲服作冠冕纓黹以爲首飾

昔帝冕旒 冕服 黼黻 大帶

大戴禮五帝德黃帝黼黻黼取其斷 黻取其辨衣大帶黼裳乘

龍展雲以順天地之紀 禮記正義世本云黃帝造

旃冕

世本又云黃帝作冕宋仲子云冕冠之有旒者黃帝以來以羽皮爲冠



黃帝之後乃用布帛

**通典**黃帝造冕旒始用布帛

黃帝作冕垂旒目不邪觀也充纘耳不聽讒言也

宋均

曰通帛爲旒冕冠之有旒應劭曰周始垂旒

**外紀**黃帝作冕垂旒充纘

爲衣玄裳黃旁觀翬翟草木之華乃染五色爲文章

以表貴賤

**漢曆志**黃帝始垂衣裳有軒冕之服注

軒卓冕服

**家語**黃帝始垂衣裳作爲黼黻

**韓詩**

**外傳**黃帝服黃衣戴黃冕致齋于宮鳳乃蔽日而至

**三禮圖**黃帝戴黃冕

見太平御覽

**淮南子**伯余初作

衣注黃帝臣世本曰伯余作衣裳

**易繫辭**黃帝堯舜垂衣裳而天下治蓋取諸乾坤

辨

貴賤乾尊坤卑之義

周禮疏冕服皆玄衣纁裳取

乾坤者乾爲天色玄坤爲地色黃但土無正位託於

南方火赤色赤與黃爲纁色故以纁王制疏玄衣

法天黃裳法地易坤六五黃裳元吉是也衣裳從黃

帝以來而有也虞氏以來其裳用纁

**後漢輿服志** 聖人觀翬翟之文

榮華之色乃染帛以効之始作五采成以爲服見鳥

獸有冠角頰胡之制遂作冠冕纓黹以爲首飾凡十

二章黃帝堯舜垂衣裳而天下治蓋取諸乾坤乾《

有文故上衣玄下裳黃 **春秋正義** 冕俛也後高前

下有俛俯之形蓋以在位者失於驕矜欲令位彌高

而志彌下故制此服令貴者下賤

### 黃帝袞龍頌

見頌類

堯黃收純衣 黼衣 舜袞衣 絺衣

太古冠冕圖

大戴禮五帝德曰高辛黃黼黻衣執中而獲天下帝堯黃黼黻衣丹車白馬

史記帝堯者放勳其仁如

夫其知如神就之如日望之如雲富而不驕貴而不舒黃收純衣彤車乘白馬注裴駙按太古冠冕圖云夏名冕曰收禮記曰野夫黃冠鄭玄曰純衣士之祭服六韜昔帝堯王天下黼衣絺履不弊盡不更爲也

太平御覽

孟子舜爲天子被袞衣鼓琴注袞畫

也畫衣黼黻絺繡也。一子華子舜游於巖廊之上被  
袵衣而鼓五絃之琴。史記堯乃賜舜絺衣與琴。  
後漢書戴黃屋服絺衣。注引韓子曰堯冬日鹿裘夏  
日葛衣絺葛也。

### 唐虞齊冠

郊特牲

冠義

始冠之

三加

緇布之冠也。大古冠布齊

則緇之。注唐虞以上曰大古。三代改制齊冠不復用

也。疏大古無飾緇布冠無緇

其緇孔子曰未之聞

唐虞既用之

爲齊冠。三代改唐虞之制齊冠不復用之。詩都人士

緇撮注云緇布冠

士冠禮注緇布冠今小吏冠其遺

也三服謂緇布冠皮弁爵弁也

玉藻始冠細布冠林大自諸侯下達冠而敝之可

也玄冠朱組纓委貌也天子之冠也緇布冠纁纁諸侯

之冠也皆始冠也玄冠丹組纓諸侯之齊冠也齊時玄所服

冠綦組纓士之齊冠也文選任彥升策秀才文採

三王之禮冠履粗分

舜冕服十二章 虞夏天子服

周禮司服注古天子冕服十二章舜欲觀焉 書益

稷帝曰予欲觀古人之象日月星辰山龍華蟲作會

疏云六者宗彛藻火粉米黼黻絺繡鄭氏曰絺讀爲

畫於上衣疏自日月至黼黻凡十二章天子以節祭於下裳

服繡與繪各有六衣用繪裳用繡王者制作皆以十

二象天數也以五采彰施于五色作服汝明注欲觀

示法象之服制天子服日月而下諸侯自龍袞而下

至黼黻士服藻火大夫加粉米上得兼下下不得僭

上作尊卑之服汝明制之疏袞冕以龍爲首龍首卷

然故以袞爲名臯陶謨天命有德五服五章哉注

天子諸侯卿大夫士之服尊卑采章各異所以命有

德周禮疏書五服五章哉鄭注云對二也九也七也

而也三也于欲觀古人之象注此十二章天子

備有公自舜典車服以庸注諸侯功成則賜車服

以表顯其能用子華子舜畫日月於太常備十有

二章黼黻玄黃爛如也

**王制**制三公一命卷若有

加則賜不過九命次國之君不過七命小國不過五

命注三公八命復加一命則服龍衮與王者之後同

多於此則賜非命服也虞夏之制天子服有日月星

辰周禮曰諸公之服自衮冕而下如王之服正義論

三公以下次國小國之君爵命之數此禮緯九賜之

衣服與宗伯再命受服不同三公一命卷謂周制也

周以前則山在衮上

詩正義曰衮是龍之狀

**管子**堯舜之王

所以化海內者北用禺氏之玉南貴江海之珠令諸

侯之子將委質者皆以雙虎之皮

為裘

卿大夫豹飾

列大夫豹斨

服所以象德服是服者必全是德一德不備不足以臨民故觀其象必惕然三省焉被其象思其義行其德天豈致飾以華其躬寓數以示等威而已

虞服韍 魯四代服

明堂位有虞氏服韍夏后氏山商火周龍章凡四代之服魯兼用之注韍冕服之韠也舜始作之以尊祭服禹湯至周增以畫文後王彌飾也山取仁可仰火取其明龍取變化天子備焉諸侯火而下卿大夫山士韍韋而已正義易困九二朱韍方來利用享祀是



爲祭服也

徐廣曰漢明帝復制黻天子赤皮蔽膝魏晉用絳紗爲之

詩箋芾太

古蔽膝之象

以韋爲之

正義曰太古伏羲時也後王

爲芾象之易乾鑿度注古者田漁而食因衣其皮先知蔽前後知蔽後後王易之以布帛而猶存其蔽前重古道不忘本韍鞞俱是蔽膝之象其制則同但尊祭服異其名耳

### 舜冠 禹冠

通典成王問周公曰舜之冠何如焉曰古之人有帽而句領荀子哀公篇魯哀公問舜冠於孔子孔子不對三問不對哀公曰寡人問舜冠於子何以不言

也曰古之王者有務而拘領者也其政好生而惡殺  
焉是以鳳在列樹麟在郊野烏鵲之巢可俯而窺也  
君不此問而問舜冠所以不對也注務讀爲冒拘與  
句同曲領也言雖冠衣拙樸而行仁政 尚書大傳

古人衣上有冒而句領者康成注言在德不在服也

古人三皇時也冒覆頂也句領繞頸也禮正服方領

**淮南子**禹之趨時冠挂而不顧履遺而不取

見崔駰傳

注

虞襲 周冕 朝服

王制虞皇而祭

通典云其制無文蓋爵弁之類也

深衣養老夏收而

祭燕衣而養老殷人學而祭縞衣而養老周人冕而

祭玄衣而養老

又內則同

注皇冕屬也畫羽飾焉

疏周禮有設皇

郎有皇舞皆爲鳳皇之字鳳羽五采

凡冕屬其服皆玄上纁下有虞氏

十二章周九章夏殷未聞凡養老之服皆其時與羣

臣燕之服虞氏質深衣而已夏改尚黑而黑衣裳殷

尚白而縞衣裳周兼用之玄衣素裳其冠則弁追章

甫委貌也諸侯以天子之燕服爲朝服

**玉藻**

天子

玄端而朝日聽朔

注端當作冕

諸侯玄端以祭朝服以日

視朝於內朝

注朝服玄端素裳也

周書王會成王之會天子

南面立絕無繁露

繁露統之所垂也

朝服八十物搢珽唐叔

荀叔周公在左太公望在右皆纁亦無繁露朝服七  
干物摺笏堂下之左唐公虞公立焉堂下之右殷公  
夏公立焉皆南面纁有繁露朝服五十物皆摺笏相  
者太史魚行人皆朝服有繁露堂下之東西郭叔長  
棊幣纁有繁露注此服名因於殷非周制也

禹黻冕

論語禹致美乎黻冕鄭注黻祭服之衣冕其冠也六  
冕皆是集注黻蔽膝也以韋爲之禹貢荊州厥篚  
玄纁璣組兗州篚織文徐州篚玄纁縞豫州篚織纁

夏母追收殷章甫皐周委貌

弁 商黻衣

郊特牲委貌周道也章甫殷道也母追音牟夏后氏

之道也注常所服以行道之冠或謂委貌為玄冠周弁殷皐夏收齊所服而祭

三王其皮弁素積所不易於先代質不變王義三代俱用緇布而

其形殊 士冠禮同注委安也以安正容貌章明也

母發聲也追猶堆也弁名出於槃所以自光大皐名

出於幠所以自覆飾收所以收斂髮其制未聞天官追師

注可農云追冠名士冠禮記曰牟追夏后氏之道也追師掌冠冕之官王制見後

儒行孔子長居宋冠章甫之冠正義用殷禮 詩文

王常服黼皐注皐殷冠也夏后氏曰收周曰冕正義

冬官績人云白與黑謂之黼周冕無績繡之飾則

皐亦不以黼爲飾黼自衣服之所有舉一章而袞之  
耳郊特牲及士冠禮皆云周弁殷皐夏收故知皐殷  
冠也旣以皐爲殷冠更取二代以明之彼云周弁此  
云冕者以周自大夫以上祭服皆用冕

**書大甲中**

伊尹以冕服奉嗣王歸于亳正義冕是在首之服冠  
內之別名冠是首服之大名故傳以冠爲冕王制云  
殷人皐而祭大雅云常服黼皐皐是殷之祭冠今云  
冕者蓋冕爲通名 說命中惟衣裳在笥 金滕王  
與大夫盡弁注皮弁質服以應天

**左傳劉定公曰**

弁冕端委晏平仲端委立虎門大伯端委治周禮

國語晉侯端委入武宮董安于曰端委以隨宰臣

論語公西華曰端章甫注端玄端服章甫禮冠 通

典夏以牟追以收殷章甫或以皞形制並無文 後

漢志委貌冠皮弁冠同制長七寸高四寸制如覆杯

前廣後銳所謂夏之母追殷之章甫者也爵弁廣八

寸長尺二寸如爵形前小後大所謂夏收殷皞者也

注詩云常服黼皞書曰王與大夫盡弁石渠論玄冠

朝服戴聖曰玄冠委貌也 士冠禮 注同 朝服布上素下緇

帛帶素韋鞞白虎通曰素積者積素以爲裳也獨斷

曰上古皆以布中古以絲

見後

三禮圖曰舊圖云

委貌進賢冠其遺象也漢志委貌與皮弁冠同制案

張鎰圖諸侯朝服之玄冠士玄端之玄冠諸侯之冠

弁此三冠與周天子委貌形制相同則與進賢之遺

象皮弁之同制者遠相異也梁正因阮氏之本而圖

委貌與前三法形制又殊按王制疏與舊圖云周弁

殷皞夏收三冠之制相似而微異俱以三十升布漆

爲之皆廣八寸長尺六寸前圓後方無旒周赤而微

黑如爵頭然前小後大殷皞黑而微白前小後大收純

黑亦前小後大三冠下皆有收如笠下收案士冠禮



注其制之異未聞謂夏殷禮亡其制與周異同未聞  
故下不圖夏殷二冠之象章甫是殷之行道之冠皞是  
殷之祭冕梁正等云章甫亦名皞誤也 五經通義

曰禮器曰冕冠長六寸廣八寸員前冕緇布在上五  
組十二旒夏殷之冕如周制其旒色異夏冕黑白  
赤組旒殷冕黑黃青組旒 韋孟詩曰豕韋黼衣朱  
黻以翼大商注黼衣衣上畫斧形白黑爲采朱黻上  
廣一尺下廣二尺長三尺以皮爲之古者上公服之

夏殷龍衮

禮器

見周衮冕

疏德多則文備故天子龍衮諸侯以

下又稍少也然周禮上公亦袞侯伯鷩子男毳孤卿  
絺大夫玄士爵弁玄衣纁裳今言諸侯黼大夫黻雜  
明夏殷禮也但夏殷衣有日月星辰山龍今云龍袞  
舉多文爲首耳日月之文不及龍也朱綠藻十有二  
旒亦夏殷也周藻五采也十二謂旒數諸侯九以下  
亦夏殷也周家旒數隨命數又士但爵弁無旒

### 武王端冕

學記疏武王踐阼以下皆大戴禮武王踐阼篇也云

端冕者謂袞冕也其衣正幅與玄端同皇氏云武王

端冕謂袞冕也

樂記魏文侯端冕謂玄冕也師尚父亦端冕案大戴禮無此文

周大裘冕 良裘 功裘

春官司服

中士二人

掌王之衣服辨其名物與其用

事王之吉服祀昊天上帝則服大裘而冕祀五帝亦

如之注司農云大裘羔裘也

無章以黑羊皮為之冕即玄冠無旒之冕

冕之用大裘最尊

天官司裘

中士二人下士四人

掌為大

裘以供王祀天之服

司農云大裘黑羔裘服以祀天示質

中秋獻良

裘司農云王所服也玄謂良裘玉藻所謂黼裘與

季秋獻功裘

人功微麤謂狐青麀裘之

屬司農云卿大夫所服

夏官節服氏郊祀裘冕二人執戈

弁師注大裘之冕無旒

三禮圖黑羔裘其冕無旒亦玄表纁裏鄭志大裘之上又

有玄衣與裘同色但無文采裘下有裳纁色

冬官裘氏

闕

攻皮之工

玉藻唯君有黼裘以誓首當為大裘非古也大裘

也黼裘以羔與君衣狐白裘錦衣以裼之諸侯之服

狐白之上衣皮弁服與月令孟冬天子天子

始裘家語天子大裘以黼之被裘象天注為黼文

荀子郊之麻纁注大裘而冕詩羔羊注大夫

羔裘以居鄭風羔裘豹飾疏君用純物臣唐風羔裘

豹祛三禮義宗鄭註美緇衣之宜唐詩刺羔裘之

失

周五冕 六冕 衮冕 冕服九章

春官司服中士二人享先王則衮冕注六服同冕者

嘉靖丙辰年 三每夫八一 監生趙祖受刊

首飾尊也。鄭司農云：衮，蒼龍衣也。玄，謂書曰：予欲觀

古人之象，日月星辰，山龍華蟲，作會宗彝藻火粉米

黼黻絺繡。古天子冕服十二章，舜欲觀焉。華蟲，五色

之蟲。書注畫績之事曰黼，獸蛇雜四時五色以章之。

謂是也。王者相變，至周以日月星辰畫於旌旗，所謂

三辰旗旂，昭其明也。而冕服九章，登龍於山，登火於

宗彝，尊其神明也。九章，初一日龍，次二曰山，三華蟲，

四火，五宗彝，皆畫以爲繡。六藻，七粉米，八黼，九黻，皆

絺以爲繡，則衮之衣五音，裳四章，凡九也。凡冕服皆

玄衣纁裳，袞冕十二旒。易氏謂鄭說不然，天子之制無非備物，十二冕旒與衣裳

也一疏鄭注禮記曰卷俗讀其通則曰袞故先鄭袞卷并言之九章初一日龍至凡九也此無正文並鄭以意解之衣是陽從奇數裳是陰從耦數注云王受諸侯朝覲於廟則袞冕疏案覲禮云天子袞冕負黼辰節服氏云祭祀朝覲袞冕六人維王之太常注服袞冕者從王服 公之服自袞冕而下如王之服注自公之袞冕至卿大夫之玄冕皆其朝覲天子及助祭之服諸侯非二王後皆玄冕而祭於已疏上得兼下下不得僭上也魯雖得與天子同惟在周公文王廟中得用袞冕 夏官弁師 下士二人 掌王之五冕皆

玄冕朱裏緹紐五采纁十有二就皆五采王十有二  
玉笄朱紘注冕服有六而言五冕者大裘之冕蓋無  
旒不聯數也延冕之覆在上是以名焉紐小鼻在武  
上笄所貫也今時冠卷當簪者廣袤以冠緹其舊象  
與纁雜文之名也五采絲爲之繩垂於延之前後各  
十二所謂邃延也就成也繩之每一帀而貫五采玉  
十二旒則十二玉也每就間蓋二寸朱紘以朱組爲  
紘也紘一條屬兩端於武王笄所以貫袞衣之冕十  
朱紘所以結二旒則用玉二百八十八鷩衣之冕纁九旒用玉二  
百十六毳衣之冕七旒用玉百六十八希衣之冕五

旒用玉百二十玄衣之冕三旒用玉七十二疏凡冕  
體周禮無文叔孫通作漢禮器制度取法於周今還  
取彼以釋之案彼文凡冕以版廣八寸長尺六寸以  
上玄下朱覆之乃以五采纁繩貫五采玉垂於延前  
後謂之邃延故玉藻云天子玉藻前後邃延龍卷以  
祭弁師所掌冕以旒爲主祭天用大裘取質其冕亦  
當無旒故此不數之唯有五冕爵弁前後平則得弁  
稱冕則前低一寸餘得冕名冕俛也以低爲號以玉  
笄貫之又以組爲紘仰屬結之五冕旒皆十二玉十  
二旒據衮冕而言旒各十二玉前後二十四旒故用



二百八十八

易氏曰春官司服玉之服冕有六夏官弁師獨言五冕者蓋大裘之冕所以祀

天天道尚質故大裘無文其冕無旒卽節服氏所謂裘冕弁師所掌惟衰冕以下而已

諸侯

之纁旂九就瑁玉三采其餘如王之事纁旂皆就玉  
璜玉笄注侯當作公三采朱白蒼其餘謂延紐皆玄  
覆朱裏與王同也出此則異纁旂皆就皆三采也每  
纁九成則九旂也公之冕用玉百六十二玉璜塞耳  
者疏經云九就上公以九爲節王不言玉璜互見爲  
義 節服氏祭祀朝覲衰冕六人維王之太常 左  
傳桓二年臧哀伯曰衰冕黻珽帶裳幅舄衡紘紃紕  
昭其度也注衰畫衣也冕冠也黻韋鞞所以蔽膝衡

維持冠者統冠之垂者紘纓從下而上者緹冠上覆  
疏畫衣謂畫龍於衣祭服玄衣纁裳詩稱玄衮是玄  
衣而畫以袞龍袞之言卷也謂龍首卷然禮注詩箋  
云衣纁而裳繡覲禮注云上公袞無升龍天子有升  
龍有降龍是袞有度也冕則公自袞以下侯伯自鷩  
以下是冕有度也黼則諸侯火以下卿大夫山是黻  
有度也袞鷩裳四章毳希裳三章是裳有度也君五  
色臣三色是統有度天子朱諸侯青是紘有度杜數  
九文不取宗彝與鄭異 昭十五年子太叔曰爲九文  
六采五章以奉五色注九文山龍華蟲藻火粉米黼

黻也傳曰火龍黼黻昭其文也疏周世袞冕九章傳  
唯言四章者畧以明義 **禮器**禮有以文爲貴者天

子龍袞諸侯黼大夫黻士玄衣纁裳天子之冕朱綠  
藻十有二旒諸侯九上大夫七下大夫五士三此以  
文爲貴也注此祭冕服也朱綠似夏殷禮也周禮天  
子以五采纁 **玉藻**天子玉藻十有二旒前後邃延

龍卷而祭注畫龍於衣正義藻謂雜采之絲繩以貫  
於玉以玉飾藻故云玉藻天子前之與後各有十二  
旒垂而深邃以延覆冕上故云前後邃延龍卷以祭  
者卷謂卷曲畫此龍形卷曲於衣以祭宗廟注云天

子齊肩者、天子之旒十有二就、每一就貫以玉、就間相去一寸、旒長尺二寸、散垂而齊肩、諸侯以下各有差降、九王者九寸、七王者七寸、以下皆依旒數、旒垂五采、玉依飾射侯之次、從上而下、初以朱、次白、次蒼、次黃、次玄、既貫徧周而復始、其三采者、先朱、次白、次蒼、二色者、先朱、後綠、皇氏沈氏並爲此說、至漢明帝時、用曹褒之說、皆用白旒珠、與古異、卷字司服及覲禮皆作衮、**郊特牲**祭之日、王被衮、以象天、注謂有日月星辰之章、此魯禮也、周禮服大裘、魯侯之服、自衮冕而下也、戴冕璪十有二旒、則天數也、注天數不過十二

觀禮天子衮冕負斧依周書世俘解云玉服衮

衣詩采菽又何予之玄衮及黼注玄衮卷龍也白

與黑謂之黼箋云玄衣而畫以衮龍黼黼黻謂絺衣

也韓奕玄衮赤舄九罭衮衣繡裳注衮衣卷龍

也箋云上公之服釋文六冕三禮圖云周天子吉

服有九冕服六弁服三孔疏引弁師止言玄朱不言

蓋以布衣服上玄下纁取天地之色

論語服周之冕注冕禮冠周之禮文而備集注曰周

冕有五祭服之冠也冠上有覆前後有旒黃帝以來

已有之制度儀等至周始備然其爲物小而加於衆

體之上故雖華而不爲靡雖費而不及奢夫子取之  
以爲文而得其中也

周鷺冕 毳冕 希冕 玄冕

春官司服享先公饗射則鷺冕祀四望山川則毳冕  
祭社稷五祀則希冕祭羣小祀則玄冕公之服自袞  
冕而下如王之服侯伯之服自鷺冕而下如公之服  
子男之服自毳冕而下如侯伯之服孤自希冕而下  
如子男卿大夫自玄冕而下如孤注鄭司農云鷺禕  
衣毳罽衣也玄謂鷺畫以雉謂華蟲也其衣三章裳  
四章凡七也

冕九旒

毳畫虎雌謂宗彝也衣二章裳

二章凡五也

冕七旒

希刺粉米無畫也衣一章裳二

章凡三

冕五旒

玄者衣無文裳刺黻而已是之謂玄

焉

冕三旒

凡冕服皆玄衣纁裳

詩大車毳衣如莢注大夫之服毳冕

弁師諸侯及孤卿大夫之冕各以其等爲之注纁

旒如其命數侯伯纁七就用玉九十八子男五就用

玉五十纁玉皆三采孤四就用玉三十二三命之卿

三就用玉十八再命之大夫再就用玉八纁玉皆朱

綠一命之大夫冕而無旒士變冕爲爵弁其皮弁韋

弁之會無結飾疏無旒之冕與爵弁不殊但前低一

寸餘故亦得冕名

左傳成一年公會晉師賜三帥先路一命之服司馬司空受二命之

鄭襄十九年公享六卿賜之三命之服軍尉司馬司

李受一命之服二十六年卿伯賜子展先路三命之

服子產次路再命之左傳成十六年晉侯請于王

以黻冕命士會希冕也

荀子天子山冕諸侯玄冠大

夫禪冕士韋弁禮也山冕謂畫山衣而服冕

祭義諸侯冕而

青紘

周韋弁服 皮弁 冠弁服

春官司服凡兵事韋弁服注以韠韋爲弁又以爲衣

裳春秋傳韠韋之跗注今時伍伯緹衣古兵服之遺

色跗以韋爲冕又以爲服韠是舊染赤色也鄭雜問

志以跗爲幅注爲屬以韠韋幅如布帛之幅而連屬



以爲衣而表裳聘禮云卿韋弁歸饗餼注云韎韋之

弁蓋韎布爲衣而素裳與此不同彼非兵事入廟不

可純如兵服言素裳以屨從裳色天子諸侯白鳥大

夫士白屨皆施於皮弁故也易氏曰即爵弁也荀

爲鞞而載弁也詩六月曰牡騤騤載是常服箋云

或車之常服韋弁服也采芑服其命服未始斯皇

箋云天子之服韋弁服朱衣裳也瞻彼洛矣韎韍

有奭以作六師箋祭服之鞞

眡朝則皮弁服注眡內外朝之事皮弁之服十五升

白布衣積素以爲裳王受諸侯朝觀於廟則衮冕䟽

天子三朝外朝二內朝一

注又云諸侯自朝聘皆皮弁服此天子日視朝

那䟽聘禮主君及賓皆皮弁

士冠禮云皮弁素韎

詩有頍者弁注皮弁也其弁伊騤注皮弁箋云

當作璆以  
三五爲之

凡甸冠弁服注甸田獵也冠弁委貌其

服緇布衣亦積素以爲裳諸侯以爲視朝之服詩緇衣

之宜兮

緇衣注卿士聽朝之正服疏云卽士冠禮朝服緇帶素鞞

謂王服此以田

卒食而居則玄端

易氏曰冠弁卽玄端也

疏士冠禮郊特牲云

委貌周道以色言曰玄冠士冠禮云玄冠朝服緇帶

素鞞注云天子與其臣玄冕以視朔皮弁以日視朝

諸侯與其臣皮弁以視朔朝服以日視朝引詩證諸

侯服緇衣爲朝服之義朝服與玄端大同小異玄冠

緇布衣皆有正幅爲端則同但易其裳耳玉藻鞞君

朱大夫素士爵韋注天子諸侯玄端朱裳大夫素鞞

則素裳士言爵是不純之名冠弁習兵之時若四時則當戎服月令季秋天子厲飾執弓挾矢以獵注謂戎服尚威武左傳衛獻公不釋皮冠則皮弁韋弁同

但色異耳是正田用韋弁也

詩六月疏皮韋同類孝經注曰田獵戰伐冠皮

弁援神契云皮弁素積軍旅也軍士之服通皆韋皮坊記注云在軍同服左傳均服振振夏官弁師

王之皮弁會五采玉璣象邸玉笄注會縫中也綦結也皮弁之縫中每貫結五采玉十二以爲飾謂之綦

詩云會弁如星其弁伊綦邸下柅也以象骨爲之疏詩注云弁之縫中飾之以玉纒纒而處其狀似星也

易氏曰王之吉服其弁三兵田之弁有時而用皮弁日眠朝其用數矣弁師所以特言皮弁之制二弁相

似微有損益

諸侯及孤卿大夫之冕韋弁皮弁各以其等

爲之注纁旒玉璣如其命數也韋弁皮弁則侯伯璣飾七子男璣飾五玉亦三采孤則璣飾四三命之卿璣飾三再命之大夫璣飾二玉亦二采不言冠弁兼於韋皮

**郊特牲**

祭之日王皮弁以聽祭報示民嚴

上也

王藻皮弁以日昃朝遂以食日中而餽奏而

食日少牢朔月大牢五飲

上水漿酒醴醢

卒食玄端而居諸

侯皮弁聽朔於太廟

注皮弁服皆素鞞

明堂位皮弁素積

裼而舞大夏疏皮弁三玉服

**學記**

視學服皮弁皮

弁如菜

**士冠禮**

初加細布冠次加皮弁次爵弁

觀禮王使人皮弁用璧勞侯氏

春秋正義大輅之

服謂鷩冕之服戎輅之服謂韋弁服

### 周禕冕

樂記武王克商禕冕搢笏而虎賁之士說劔也注衣

禕衣而冠冕袞之屬也疏天子六服大裘爲上其餘爲

禕禕從衮冕以下皆是也觀禮注同玉藻諸侯玄端以祭禕冕以

朝注朝天子也禕冕公衮侯伯鷩子男毳也

觀禮

侯氏禕冕

荀子大夫禕冕注禕甲也會子問云諸侯禕冕注禕甲也

漢官儀周

冕與古冕畧等周加垂旒天子前後垂真白珠各十

二禮司服疏禕衣自衮以下

先鄭獨以鷩爲禕衣

其言不足矣

### 周王后六服

天官內司服

奄二人

掌王后之六服禕衣

司農云畫翬祭統云

夫人副禕玄謂伊維而南素質五色成章曰翬王后

之服刻繪爲之形而來畫之綴於衣以爲禕衣

畫翬揄狄闕狄司農云畫羽飾玄謂狄當作翟翟雉

翟畫搖者闕翟刻而不畫此三者皆祭服從王祭先

王則服禕衣祭先公則服揄翟祭羣小祀則服闕翟

今世有圭衣者鞠衣司農云黃衣也玄謂鞠塵

蓋三翟之遺俗鞠衣象桑葉始生月令三月薦鞠衣

于先帝告桑事疏曰鞠展衣司農云白衣玄謂以

草名華色黃告桑之服禮見王及賓客之服字

當爲禮詩嗟兮嗟兮其緣衣玄謂雜記夫人脫衣

之展也記云世婦禮衣緣衣揄狄喪大記曰妻以

祿衣緣衣御于王之服亦以燕居緣衣黑六服備於

此矣其色則闕狄赤揄狄青禕衣玄婦人尚專一衣

裳不異其色 疏王之祭服有六首服皆 素沙 玄謂

冕后之祭服有 二首服皆副 白縛也 音絹六服皆袍制以白縛為裏 辨內外命嬪

使之張顯 今世有沙穀者各出于此 之服鞠衣 九賓 展衣 世婦 緣衣 女卿 素沙

注三夫人及公之妻其闕狄以下乎侯伯之夫 師 下士二人 掌王后之首服為副編次追衡笄 內

宰正其服禁奇裘闈人奇服不入官玉藻王后禕

衣夫人揄狄君命屈狄 周禮 再命鞠衣一命禮衣士

緣衣 詩 何彼穠矣序王姬之車服下王后一等箋

謂車乘厭翟勒面績總服則揄翟 三禮義宗 陽爻

九故王服有九陰爻六故后服惟六天子九服祭服

有六王后六服祭服有三陽色尚文故有章數等級之別陰色尚質故無殊章之品

周爵弁

周頌絲衣其紕載弁俵俵注絲衣祭服箋爵弁弁而祭於王士服也疏爵弁之服玄衣纁裳

士冠禮爵

弁服純衣注爵弁其色赤而微黑如爵頭然純衣絲衣也

玉藻

一命緼韍幽衡再命赤韍幽衡三命赤

韍葱衡注此玄冕爵弁服之韠尊祭服異其名耳

春官司服疏爵弁之形以木爲體廣八寸長尺六寸以三十升染爲爵頭色赤多黑少前後平

弁師注



士變冕為爵弁疏爵弁制如冕但無旒為異無旒之

冕與爵弁不殊 詩 韎韐有奭箋云祭服之韠合韋

為之其服爵弁服紕衣纁裳 書 二人雀弁執惠注

雀韋弁四人綦弁執戈注鹿子皮弁疏曰禮大夫服

冕士服弁雀弁制如冕黑色但無藻耳阮諶三禮圖

云以三十升布為之 三禮圖爵弁士助君祭之服無旒 此執兵以韋

為之異於祭服 釋名 曰弁如兩手相合拚時也以

爵韋為之謂之爵弁以鹿皮謂皮弁以韎韋謂韋弁

公羊注 皮弁武冠爵弁文冠夏曰收殷曰皐周曰

弁加旒曰冕禮天子朝皮弁夕玄端朝服以聽朝玄

端以燕皮弁以征不義取禽獸行射諸侯朝服  
深衣玄端以燕禕冕以朝天子以祭其祖禰卿大夫  
冕服而助君祭朝服祭其祖禰士爵弁黻衣裳以助  
公祭玄端以祭其祖禰

### 周九服

三禮義宗辨章數法象之理曰十二章法天之數  
虞之服也九章者法陽數之極周之服也周禮王吉  
服有九后吉服有六九服者何一曰大裘而冕二曰  
衮冕三曰鷩冕四毳五希六玄六者祭祀之服也皮  
弁素積玄衣素裳緇衣玄端此又三服所謂吉服有

九 六冕之服玄上纁下皆同章數則異故分爲六服  
皮弁法古上質故衣裳皆曰玄衣緇裳者兼夏

制殷之玄衣朱裳燕樂之服非廟祭之服故不入九服

之數韋弁戎服亦不入吉服之例 明天子朝燕之

服曰天子皮弁素衣素裳爲蜡祭之服黃衣黃冠臘

祭先祖息田夫之服玄衣朱裳燕居之服韋弁卽戎

之服此四服非時朝燕無常故不入九服 明周禮

六服旃章義曰大裘其服無章其冕無旃天道至尊

難可比擬舍去雕飾服以其質袞冕之服以龍爲目

龍體九星故以九爲終 聘禮疏周禮春官司服王之

吉服有九祭服之下先立兵事韋弁服後云視朝皮

弁服則韋弁尊於皮弁。王制疏臯陶謨云五服五

章哉鄭注云五服十二也九也。謂公侯之服自山而下

下七也。伯之服自華蟲而下五也。子男之服自藻而

下三也。卿大夫之服自粉米而下。鄭注覲禮云上公

衮無升龍其旒則九。宋志周監二代典制詳密弁

師掌六冕司服掌六服設擬等差各有其序故夫子

曰服周之冕。周之祭冕纁采備飾。後魏志周禮及

禮記三冠六冕承用區分。

玉藻玄冠紫綬自魯桓公始也。朝服以縞自季康子

始也。覲禮秋時賜侯氏車服及篋服。

周赤舄

**天官履人**（士二人）掌王及后服履爲赤舄黑舄赤

纁黃纁青句。（納注）複下爲舄。禪下曰履。王吉服有九

舄有二等。赤舄爲上。冕服之舄。詩云。王錫韓侯。玄衮

赤舄。則諸侯與王同。下有白舄黑舄。（白舄皮弁之舄。黑舄玄端之舄。）

（士皆著履）王后吉服六。唯祭服有舄。玄舄爲上。禕衣之舄

下有青舄。赤舄鞠衣以下皆履。**詩**狼跋。赤舄。几几

車攻。赤芾金舄。會同有繹。（金舄即禮之赤舄也。箋云黃朱色加金爲飾。故

謂之金舄。

魯逢掖衣

儒行孔子少居魯衣逢掖之衣注大袂禪衣也此君子有道藝者所衣正義夫子禪衣與庶人同其袂大與庶人異故謂衣爲逢掖此則大袂深衣也荀子士君子之容其冠進其衣逢其容良深衣古者深衣蓋有制度以應規矩繩權衡云云莊子儒者冠圓冠者知天時履句屨者知地形緩佩袂者事至而斷

漢劉氏冠 長冠 齊冠

紀高祖爲亭長乃以竹皮爲冠令求盜之薛治

注應邵曰

以禪所生皮爲冠今鵲尾冠是也師古曰謂筓上所解之籜今人爲筓皮巾時時冠之及

貴常冠所謂劉氏冠也八年春三月令爵非公乘以

上母得冠劉氏冠

淮南子高帝造劉氏之貌冠

續漢志長冠一曰齋冠高七寸廣三寸促漆纒爲之

制如版以竹爲裏初高祖微時以竹皮爲之謂之劉

氏冠楚冠制也民謂之鵲尾冠非也

獨斷云鄙人不識謂之鵲尾冠

祀宗廟諸祀則冠之皆服衿玄絳緣領袖爲中衣絳

絳絲示有赤心奉神也五郊衣幘絳絲各如其色此

冠高祖所造故以爲祭服尊敬之至也

漢官儀曰漢家赤行齋者

絳絲

顯宗初服旒冕

云

以承大祭百官執事者冠

長冠注東觀書曰永平二年正月公卿議春南北郊

東平王蒼議曰。孔子曰。朕周之冕。爲漢制法。高皇帝

始受命創業。制長冠以入宗廟。禮儀志日變執事

者冠長冠衣阜以行禮。官志王國謁者比四百石。

掌冠長冠。通典晉依漢制去竹用漆纚。

漢通天冠 五時袍

後志通天冠高九寸正立頂少邪却乃直下爲鐵卷

梁前有山展筓爲述。駁犀乘輿所常服。獨斷曰漢受之

京賦夏正三朝冠通天服衣深衣制有袍隨五時色

袍者或曰周公抱成王宴居故施袍孔子衣逢掖之

衣逢掖其袖合而縫大之。近今袍也。今下至賤更小



史皆通制袍單衣皁緣領袖中衣爲朝服云

**晉志**

通天冠本秦制

又曰漢明帝更服衮章天子冠通天而佩玉璽

前後有展筓

冠前加金博山述

述即鵠也知大兩故冠象焉

郊祀天地明堂宗

廟元會臨軒介幘通天冠平冕冕皁表朱綠裏廣七

寸長二尺二寸加於通天冠上前圓後方垂白玉珠

十二旒以朱組爲纓無綏

**通典**宋加黑介幘齊加

玉簪道梁加冕於上爲平天冕唐改纓以翠綏

**隋志**

按董巴志冠高九寸

云云

前有高山故禮圖或謂之

高山冠晉起居注成帝咸和五年制詔殿內曰平天

通天冠可更修理之雖在禮無文知天子所冠其來

爰曰博山附蟬謂之金顏 唐志通天冠冬

祭還燕羣臣養老之服也二十四梁附蟬

十二施珠翠金博山介幘組纓翠綾玉犀簪導絳紗袍朱裏紅羅裳白紗中單朱領襍裾白裙襦絳紗蔽膝白羅方心曲領白鞵黑烏白假帶 齊志後代沿

革見漢志晉服制令其冠十三品見蔡邕獨斷

宋朝天聖二年八月丙寅改承天冠後復舊

漢委貌冠 緇衣冠 皮弁冠 皮弁

後漢志委貌冠皮弁冠同制長七寸高四寸制如覆杯前高廣後卑銳所謂夏之母追商之章甫者也委

貌以皂繒爲之

通典委貌形如委穀之貌

皮弁以鹿皮爲之行大

射禮於辟雍公卿諸侯大夫行禮冠委貌衣玄端素

衣執事者冠皮弁衣緇麻衣皂領袖下素裳所謂皮

弁素積也

淮南子高皇帝履天子之圖籍造劉氏

之貌冠注於新豐作竹皮冠也一曰委貌冠也

晉

志蔡邕云緇布冠卽委貌冠也其制有四形一似武

冠又一似進賢其一上方其下如幘顏其一刺上而

方下

緇布冠見上

外戚傳平帝納重太師光太常

歆及太上太史今以下四十九人賜皮弁素績注師

古曰以鹿皮爲冠形如人手之弁合績素裳也朱衣

而素裳績或作積謂襞積之若今之襖也 **郊祀志**

四月至奉高梁父乙卯令侍中儒者皮弁搢紳射牛

行事封泰山下東方改元封元年 **後禮志**永平二

年三月注天子皮弁素積親射大侯

郊特牲 冠義同始冠之緇布之冠大古冠布齊則緇之

其緇也孔子曰吾未之聞也冠而敝之可也適子冠

於阼以著代也醮於客位加有成也三加彌尊諭其

志也冠而字之敬其名也委貌周道也章甫殷道也

母追夏后氏之道也周弁殷皐夏收三王共皮弁素

積 **士冠禮**爵弁服纁裳純衣緇帶鞅注此與君

祭之服雜記曰士弁而祭於公爵弁者冕之次其色赤而微黑如爵頭然或謂之緌其布三十升纁裳淺絳裳純衣絲衣也餘衣皆用布唯冕與爵弁服用絲韎韐緌韐也士緌韐而幽衡合韋爲之士染以茅蒐皮弁服素積緌帶素鞞注此與君視朝之服也皮弁以白鹿皮爲冠象上古也積猶辟也以素爲裳辟蹙其要中皮弁之衣用布亦十五升其色象焉疏三皇時以白鹿皮冒覆頭鈎領遶項 玄端玄裳黃裳雜裳可也緌帶爵鞞注此莫夕於朝之服玄端卽朝服之衣易其裳其上士玄中士黃下士雜雜前玄後黃士皆爵

韋爲鞞玉藻白鞞君朱大夫素士爵韋疏曰但正幅

故得端名緇布冠缺項

缺讀如項

青組纓屬于缺細纒廣

終幅長六尺皮弁筭爵弁筭緇組紘纁邊同篋注緇

布冠無筭者著頰圍髮際結項中隅爲四綴以固冠

也今未冠筭者著卷幘頰象之所生也滕薛各齒

古內

反爲頰屬猶著纒今之幘梁也筭今之簪有筭者屈

組爲紘垂爲飾無筭者纓而結其條疏漢時卷幘之

狀必以布帛繞髮際爲之幘梁亦舉漢法以況

韓延壽傳守頰川令文學校官諸生皮弁執俎豆

隋志五經通義弁高五寸前後玉飾董巴曰以鹿皮

爲之

漢遠遊冠

**志**遠遊冠制如通天有展筓橫之於前無山述諸王所服

天子五梁太子三梁諸侯王通服之獨斷曰禮無文

**淮南子**楚莊王

冠通梁組纓注通梁遠游也

**魏志**建安十九年三

月授魏公金璽赤紱遠游冠

**晉志**傳玄云秦冠也

似通天而前無山述有展筓橫于冠前皇太子及王者後帝之兄弟帝之子封郡王者服之太子則以翠羽爲綏綴以白珠其餘但青絲而已

張鏡宋東官儀

記皇太子遠游冠翠綏

**南齊志**遠遊冠太子諸王

所冠太子朱纓翠羽綏珠節諸王玄纓公侯皆同北齊制五梁乘輿所服

宋奉始六年皇太子服

冕梁太子還冠遠遊後周太子朝賀袞冕九章隋開皇初非助祭皆冠遠遊冠

隋志遠遊之制案漢雜

事曰太子諸王服之晉令皇太子諸王給之

唐志

皇太子謁廟還宮元日朔日釋奠之服也三梁加金博山附蟬九首施珠翠簪導臨軒冊太子太子遠遊冠絳紗袍皇子冠袞冕遠遊冠緇布冠緇纒犀簪櫛實於箱 宋朝至道元年天禧二年故事皇太子受冊命服遠遊冠朱明衣執植圭朝會謁廟亦如之復



製袞冕九章從祀及謁廟加元服納妃則服之謁廟乘金輅朝則乘馬

漢高山冠 側注冠

志高山冠一曰側注制如通天不邪却直立無山述

展筓

獨斷齊冠也高九寸鐵爲卷梁不展筓無山

中外官謁者僕射所服

胡廣曰高山冠蓋齊王冠也秦滅齊以賜近臣謁者

服之

傳曰桓公好高冠大帶

注史記酈生初見高祖儒衣而冠

側注漢舊儀乘輿冠高山冠飛月之纓一作翻幘耳赤

丹素裏此亦通于天子

安帝立太子講廟洗馬冠高山

**晉志**秦行

人使官亦服之詩云高山仰止取其矜莊賓遠者也

通典其體側立而曲注隋於冠加三峯唐因之

五行志昌邑王賀

昭帝時

遣中大夫之長安多治仄注

冠注師古曰言形側立而下注非法冠及高山也

傅子曰魏明帝以高山冠似通天遠遊除去卷筒令

如介幘幘之上加物以象山行人使者服之

晉志云收令卑

下

### 漢進賢冠

志進賢冠古緇布冠也文儒者之服也

獨斷曰漢前制禮無文

高七寸後高三寸長八寸公侯三梁中二千石以下

至博士兩梁自博士以下至小史私學弟子皆一梁

宗室劉氏亦兩梁冠亦加服也

王公以下初加進賢冠而已

注建

光中太官令兩梁冠以典掌王饗也

博士兩梁崇儒也

中平

六年令三府長史兩梁

晉志

進賢冠古緇布之遺

象也文儒之服前高七寸後高三寸長八寸有五梁三梁二梁一梁人主元服始加緇布則冠五梁進賢冠三公及封郡公郡侯縣鄉亭侯三梁卿大夫八座尚書關內侯二千石及一千石以上則冠兩梁六百石以下則冠一梁注晉公卿禮秩曰太傅司空司徒著進賢三梁冠黑介幘

唐志

文武朝參三老五更

之服也黑介幘青綏紛長六尺四寸廣四寸色如其

綬

通典云親王加金附蟬

三品三梁五品兩梁九品以上及國

官一梁六品以下私登服皆用之侍中中書令左右

散騎常侍有黃金旛附蟬貂尾侍左者左躡侍右者

右躡復制緇布冠爲始冠之冠

禮儀志

三老冠進

賢扶王杖加元服乘輿初緇布進賢隋志案漢官

云元始五年令公卿列侯冠三梁二千石兩梁千石

以下一梁梁別貴賤自漢始也

雋不疑傳冠進賢

冠帶欄具劔

文苑進賢冠賦寸之七比夫七德梁

之三取夫三端誠于人有傳古之義形于國有尊儒

之風

漢法冠 獬豸冠 柱後惠文冠

志法冠一名柱後高五寸以纏爲展筩鐵柱卷執法者服之侍御史廷尉正監平也或謂之獬豸冠獬豸

神羊能別曲直楚王常獲之故以爲冠胡廣曰左氏

傳有南冠而縶者則楚冠也國語陳侯奔袞冕而南冠以出秦滅楚以其君

服賜執法近臣服之淮南子楚文王好服解冠楚國効之異物志東北荒有獬豸一角性忠見人闕

則觸不直者聞人言則咋不正者楚執法者所服也獨斷灋冠楚冠也一曰

柱後惠文冠 前傳蕭望之少史冠法冠 淮南王

安作漢使節法冠 張敞弟武拜梁相曰梁國大都

吏民 敞當以柱後惠文彈治之耳注晉灼曰漢柱

後法冠一號柱後惠文秦制執法服今御史服之獬豸一角今兩角以獬豸爲名 隋志如淳注漢官曰惠蟬也細如蟬翼今御史服之 通典隋大業中改制一角唐因之御史所服

漢武冠 武弁 鷩鷩冠 繁冠 建冠

志武冠一曰武弁大冠

獨斷曰或曰繁冠

諸武官冠之侍中

中常侍加黃金璫附蟬爲文豹尾爲飾謂之趙惠文冠又名鷩鷩冠胡廣說曰趙武靈王效胡服以金璫飾首前插貂尾爲貴職秦滅趙以其君冠賜近臣

依幸傳孝

惠時侍中皆鷩鷩冠具帶顏師古曰鷩鷩鷩鷩鳥似山雞而小淮南子趙武靈王具帶鷩鷩而朝趙國化

之建武時匈奴內屬世祖賜南單于衣服以中常侍  
惠文冠中黃門童子佩刀

通典漢侍中插左常侍

插右貂用赤黑色莽更漢家黑貂著黃貂天子元服  
亦爲先加晉名繁冠一名建冠隋依北齊曰武弁唐  
制乘輿加金附蟬平巾幘侍中中書令加貂蟬漢官  
儀曰金取堅剛百鍊不耗蟬居高飲絜貂內勁悍外  
溫潤此因物生義也

谷永曰戴金貂之飾執常伯之職

齊志按項

氏說云漢侍中蟬刻爲蟬像常侍但爲璫而不蟬未  
詳何代所改

隋志徐爰宋志謂籠冠

後宦者傳

漢中常侍參用士人銀璫左貂明帝以後中常侍十

人小黃門二十人改以金璫右貂後魏志司馬彪  
云漢帝有四冠一緇布二進賢三武弁四通天冠  
魏都賦藹藹列侍金螭齊光瓊語范獻子獵遺其  
豹冠

漢建華冠 方山冠

志建華冠以鐵爲冠卷貫大桐珠九枚制似綉鹿薛

曰上輪小記曰知天者冠述知地者履絢鄭子臧好下輪大

鵠冠前圓以爲此則是也天地五郊明堂春合舞樂  
人服之方山冠似進賢以五米穀爲之祠宗廟大干  
八佾四時五行樂人服之冠衣各如行方之色而舞



通典曰

東京賦冠華秉翟

漢巧士冠

却非冠

志巧士冠高七寸要後相通似高山冠唯郊天黃門

從官四人冠之在鹵簿中以備宦者四星

獨斷曰高五十禮無

紋却非冠似長冠下縮垂五寸有纓黻宮殿門吏僕

射冠之負赤幡青翅燕尾

獨斷曰禮無文

唐

漢郊敵冠

志却敵冠前高四寸通長四寸後高三寸制以進賢

衛士服之

獨斷曰禮無文

漢樊噲冠

志樊噲冠漢將樊噲造次所冠以入項羽軍廣九寸高七寸前後出各四寸制似冕司馬殿門大雉衛士服之或曰噲常持鐵楯裂裳裹楯冠之入軍門立漢王旁視項羽後人壯其意制冠象焉通典似平冕

十八侯銘操楯千鈞拔主項堂

漢術氏冠 周術氏冠

志術氏冠前圓吳制羌池邈迤四重趙武靈王好服之今不施用官有其圖注蔡邕曰其說未聞 晉因之晉志或

曰淮南子楚莊王復雎冠是也通典或曰楚莊王解冠

是也前五志天將雨鵠知之注師古曰逸周書

知天文者冠鵠冠以鵠知天時故也

春秋疏鵠一名翠羽可爲飾

刊誤正俗云逸禮記云云禮圖謂之術氏冠

獨斷建華冠鵠冠

記曰知天文者服之術士冠云云

同志

三禮圖云

新圖誤題爲術士冠

### 漢鵠冠

志武冠俗謂之大冠環纓無蕤以青絲爲緹加雙鵠

尾立左右爲鵠冠

上林賦蒙鵠

賦夫戴鵠

虎被班文劉向別錄鵠

冠子居深山以鵠爲冠莊子纓胡之纓武士之服是也莊子趙劔士皆蓬頭突鬢者也曼胡之纓短後

衣之五官左右虎賁羽林五中郎將羽林左右監皆冠

鵠冠紗縠單衣虎賁將虎文袴白虎文劔佩刀虎賁

武騎皆鵬冠虎文單衣鷩首勇雄也其闕對一

止故趙武靈王以表

純曰冠秦施之

上黨

黃帝以鵬為旗幟

### 漢爵弁

志爵弁一名冕廣八寸長尺二寸如爵形前小後大

繒其上似爵頭色有收持筭所謂夏收殷嗥者也祠

天地五郊明堂雲翹舞樂人服之禮曰朱干玉戚冕

而舞大夏獨斷曰冕冠周曰爵弁殷曰嗥夏曰收

殷黑而微白前大而後小夏純黑而赤前小而後大

皆以三十六升漆布為之詩曰常服黼嗥上古以布

中古以絲 禮儀志加元服儀次爵弁次武弁 通  
典周制爵弁士冠禮三加成人服之晉依漢制更名  
廣冕隋以角爲簪導唐因之以紳代布用玄纓簪導  
漢幘 赤幘 納言幘 帽 翠帽

志 通典 古者有冠無幘其戴也加者有頰所以安物  
故詩曰有頰者弁秦加武將首爲緝柏以表貴賤後  
稍作顏題漢孝文高其顏題續之爲且崇其中爲屋  
上下群臣貴賤皆服之文者長耳武者短耳稱其冠  
也尚書幘收方三寸名曰緇言示以忠正明近職也  
氣五郊各如其色從意服也卑衣屨春服言幘

立夏乃止尊其方也。武吏常赤幘，成其威也。未冠童

子幘，無屋示未成人也。

東觀記曰：段穎減羗詔賜穎赤幘大冠一具。董仲舒止

兩書曰：執事皆赤幘。獨斷曰：元帝

額有壯髮始進幘，進之羣臣隨焉。

制紺幘以齋青

幘以耕，緇幘以獵，綠幘董偃名見服之。

通典上古

衣毛帽皮。

玄中記云：旬始作帽。

周成王問周公舜冠

何如曰：古之人上有帽而勾領。

古者冠下有纒以繪

爲之後世施幘於冠，因裁纒爲帽，自乘輿燕居下至

庶人無爵者皆得服之。

魏管寧在家嘗著皂帽。

吳書

云：陸遜破曹休於石亭，還上脫翠帽賜遜朝謁服之。

宋制黑帽綴紫標，標以繒爲之。後制高屋白紗帽，陳

名白紗者爲高頂帽後魏咸著突騎帽垂裙覆帶蓋

索髮遺象隋文開皇初嘗著烏紗帽大業通服折上

巾唐制白紗帽又制烏紗帽西京賦天子戴翠帽

注翠羽爲車蓋倚金較瓊弁玉纓遺光儵爚

後漢末王公名士以幅巾爲雅是以袁紹崔豹之徒

雖爲將帥皆著縑巾按巾六國時趙魏之間通謂之

承露袁紹戰敗幅巾渡河按此則庶人及軍旅皆服

之全幅早而向後樸髮謂之頭巾俗人謂之幘頭

東晉制以葛爲巾形如恰而橫著之尊卑共服太元

中國子生見祭酒博士冠角巾至齊立學王儉議更

存焉。唐始用巾子尚平頭小樣者。

漢天子衣服制

魏相傳奏高皇帝所述書天子所服第八。注如淳曰：天子衣服之制也。於施行詔書第八。

漢齊三服官

元紀初元五年四月詔罷齊三服官。注李斐曰：齊國舊有三服之官。春獻冠幘緹爲首服。絹素爲冬服。輕絹爲夏服。凡三。地理志齊郡臨淄有服官。又曰：齊俗織爲冰素綺繡純麗之物。號爲冠帶衣履天下。襄邑亦有服官。襄邑係陳留郡師古曰：自出文繡非齊三服。李說



是縱卽今之方目紫也。輕綃，今之輕紫也。胡公曰：服

官主作文繡以給袞龍之服。哀紀：綏和二年六月

哀帝詔曰：齊三服官諸官織綺繡難成，害女紅之物

皆止，無作輸。貢禹傳：元帝初上言，故時齊三服官

輸物不過十筭，今作工各數千人，一歲費數鉅萬，天

子納其忠，乃詔罷之。谷永傳：元延元年，永言願止

京師郡國工服官，造作以助大農。章紀：建初二年

四月癸巳，詔齊相省冰素。素色鮮潔如冰方空。紗薄如空也或曰空孔也

卽今方縠吹綸絮。縠紗也，綸似絮而細吹者言吹噓目絨可成亦紗也前書齊有三服官故

詔齊相馬廖傳上疏曰：元帝罷服官，成帝御浣衣

罷之

哀帝去樂府而侈費不息者百姓從行不從言也。

周太宰節膳服之式凡皮臬絲屨皆掌于天官司服隸于宗伯蓋禮官辨其等天官制其用漢天子所服

中謁者四人各舉一時而天子衣服御府又主之宗

廟衣服郊祀文繡之服東織令又奉之皆統于少府

悉出禁錢不呂度大司農況丞相可均節之乎晉

絳人爲君復陶注主衣服之官西都賦虎賁贅衣

注贅衣主衣之官書曰綴衣輿服志襄邑蒧獻織

成虎文衣裳玉佩備章采乘輿刺史公侯九卿以下

皆織成陳留襄邑獻之禹貢正義漢陳留襄邑縣

置服官，使制作衣服，是兖州綾錦美也。徐州篚玄織

編

文選注：陳留記曰：睢奐之間出文章，奉宗廟御

服。魏都賦：錦繡襄邑，羅綺朝歌。縣續房子，縑總清

河。王符傳：文組采牒，錦繡綺素。葛子升越，箛中女

布。鹽鐵論：齊陶之縑，蜀漢之布。景帝詔曰：錦繡

纂組，害女紅者也。光武敕：會稽獻越布。

高紀：賈人毋得衣錦繡綺縠絺紵。屬。八年春三月郊

祀歌：曳阿錫。注：阿，縑繒錫細布。貨殖傳：荅布，孟康曰

白疊也。閩侯遺江都王以荃葛師古曰：南方筒布

之屬。魯編師古曰：曲阜俗善作之。叔孫通服短

衣楚製 江充衣紗縠單衣 相如游獵賦被阿錫

揄紵縞雜織羅垂霧縠粉粉袞袞揚袖戍削 吳縞

帶 鄭紵衣

漢絳衣大冠 絳衣

**紀**見光武絳衣大冠驚曰謹厚者亦復爲之時三輔吏

士東迎更始見諸將過皆冠幘而服婦人衣諸于繡

駟莫不笑之古今注建武十三年初令長皆小冠 **東觀記**光武起

義衣絳單衣赤幘 **周禮**司常注屬謂徽號今城門

僕射所被及亭長著絳衣是其遺象 **昭紀**丞相證

事注張晏曰漢儀注比六百石絳衣奉朝賀正月

元后傳獨衣絳緣諸于注師古曰諸于大掖衣即袿

衣之類

絳衣舍人

見班彪便宜事

前傳雋不疑褒衣博帶

朱博守琅邪官屬多褒衣

大袿博敕令掾史衣皆去地三寸

江充衣紗縠禪

衣

漢官儀武貴中郎將衣之

曲裾後垂交輸冠禪纚步搖冠飛翮之纓

蓋寬饒爲衛司馬未出殿門斷其禪衣令短離地

冠大冠帶長劔

西京賦

武士緹衣韎鞞

周禮上

倭伯緹衣古兵服遺色

文選策秀才文紫衣賤服

循化齊風長纓鄒好且變鄒俗

墨子齊桓公高冠

博帶以治其國楚莊王鮮冠組纓絳衣博袍以治其

國

後魏元會帽上著籠冠袴上著衣褚縉譏之

後周天元詔天臺侍衛之官皆著五色及紅紫綠衣以雜色爲緣名曰品色衣與公服間服之隋大業六年百官從駕皆服袴褶於軍旅間不便是歲始詔從駕涉遠者文武官皆戎衣五品以上通著紫袍六品以下兼用緋綠南齊永明八年何嗣爲祭酒服朱衣唐龍朔二年九月戊寅初令八品九品衣碧